

硃批沈廷正奏摺

雍正二年十二月二十五日河南開歸河道臣沈

廷正謹

奏為遵

旨回奏事雍正二年十二月十八日撫臣田文鏡傳臣

至署捧出

硃批諭旨開讀臣隨即叩頭謝

恩伏念臣

異國恩服官

皇上龍飛御極兩歲之內四蒙

硃批諭旨

沈廷正

特旨遷擢游歷道員臣屢膺

異數感深無地日夜冰兢正懼稍有隕越以致上負

聖恩乃復蒙

諭旨特頒諄諄訓誨惟恐臣有請託瞻顧不與撫臣同

心料理致壞地方吏治且責臣來豫時有不願之

言回意臣伏思臣與撫臣田文鏡素未同官亦未會面

然但臣於在陝時原曾聞人傳說田文鏡待屬員過

嚴及至豫數月見撫臣田文鏡竭忠辦事實心

爲五十二年十二月二十五日河南開歸陳道尹

本國至於整飭官方亦屬職分所宜是以臣甚心服地

方公事臣必請撫臣之訓示撫臣亦必與臣商酌

甚是和衷臣始知昔日所聞盡屬浮言惟我

皇上乾衷獨斷不惑羣言知人善任實千古帝王之所

未有也茲臣欽奉

訓諭惟有益加黽勉屏絕瞻顧與撫臣同心一德料理

地方以圖上報

聖恩於萬一耳緣奉

上諭令臣回奏交與撫臣田文鏡轉達謹此繕摺據實

奏回

奏伏乞

硃批諭旨

皇上睿鑒謹

奏

朕爲汝主田文鏡係汝上官但能同心一德他處無可顧慮也君臣大義千古名節須要見透守定時刻勿忘汝姪沈竹觀其行爲將來必至不保首領

雍正三年正月二十一日河南開歸河道臣沈廷

正謹

奏爲恭蒙

聖訓謹瀝下情仰祈

睿鑒事雍正三年正月十七日撫臣田文鏡傳臣至署

捧出臣前奏摺子奉有諭業

硃批臣伏讀再三仰蒙天慈以爲慰今亦刻西

天語煌煌提撕備至欽遵之下不勝感激涕零伏念臣

備官數十年來仰沐和澤宣訓亦非宇暗媮示以大義

皇上逾格深恩臣之身實皇恩絲未奉宣示

皇上參養之身臣之官實一介微末衣業

皇上簡畀之官臣之居心行事無一不爲慎辨

皇上所周知而洞鑒非若疎迷之人

天高聽遠必藉他人援引提拔也今臣既受

皇上如此恩遇倘尚欲於他處鑽營是何異舍榮求辱

硃批諭旨

三

沈廷正

舍生求死雖至愚之人亦不出此況臣風邀惟貴實行不在空言若明為誠信而暗涉欺隱日久發主恩粗知大義千古名節時時凜惕寧敢頃刻有忘今露罪更難恕也蒙

聖訓下頒臣惟有朝夕捧誦益加惕厲以期仰報

聖慈於萬一耳臣姪沈竹一介微末亦蒙

皇上訓詞下及臣不勝悚惶祇緣未奉宣示

諭旨是以臣不敢冒昧轉宣惟有作字訓誡示以大義

教以名節務期小心謹慎以報主恩

主恩但臣姪沈竹自幼失教臣時以為慮今在陝西臣

又遠隔不能親為管束倘蒙

皇上憐念仍令回京辦理本旗叅領事務使其學習官

方則臣實舉家頂戴

皇恩於無疆矣為此繕摺敬交撫臣田文鏡轉達所有

奉到

硃批理合恭繳謹

奏

汝姪沈竹豈但不能小心謹慎前次甫經批諭汝摺而

其所行殺身之事業已敗露矣

雍正三年二月二十二日河南開歸河道臣沈廷

正謹

硃批諭旨

四

沈廷正

奏爲恭蒙

聖訓謹再披瀝下忱仰祈

睿鑒事雍正三年二月十七日撫臣田文鏡傳臣至署

捧出臣前奏謹瀝下情仰祈

睿鑒一摺奉有

硃批臣自分何人乃蒙

皇上逾格提撕旣鑒臣愚誠復誠臣欺飾委曲

訓誨至於此極祇遵之下感激涕零臣姪沈竹身受

皇恩罔知報效行事乖違有干

國憲果不出臣等所料本誠恐其學問官

聖明洞鑒臣因外任年久有此親姪未能教誨蒙我

皇上不加臣重譴預

示先幾雖家人父子何以逾此臣躬沐

殊恩沁肌入髓惟有捐糜頂踵矢竭駑駘以期仰報

聖恩於萬一耳爲此繕摺具

奏所有原奉

硃批理合恭繳謹

奏

不但爾爲其叔不能化誨朕昔在藩邸時何言不加訓
誠無如竟不遵承惟利是圖卽性命有所不顧朕因深

悉其行爲故於卽位後又復諄諄嚴飭縱內不悛改外亦當懼王章國法不致仍蹈前轍何乃毫無忌憚又作如此等事尚容留於天地之間可乎誠所謂下愚不移之流可憐真孽障也

雍正三年五月二十四日河南開歸河道臣沈廷

正謹

奏爲恭蒙

聖諭微臣慚感難名謹具摺奏謝

天恩事竊臣因河南漕船在直隸內黃縣之草坡等處地方被淺阻滯自草坡而下尚有河南之湯陰縣

地方三十餘里河路亦俱淤淺臣隨親赴督率地方官建壩催趲由草坡陸續過淺於本年五月十二日將漕船盡行催出豫境臣於十八日回至省城蒙撫臣田文鏡傳臣至署捧出

皇上硃批臣奏摺臣當卽叩頭祇領伏讀再四不禁感激涕零竊念臣姪沈竹性情貪鄙行事乖違乃蒙皇上先於藩邸時每事必加教訓及登

大寶又屢行嚴飭寬以導之威以懾之蓋欲生全成就之

聖心不啻如父師之於子弟此誠亘古未有之遭逢臣

姪沈竹自應洗心滌慮痛改前非力圖報效以期無負

聖恩詎意臣姪沈竹心同畜類蠢然無知既不能悔改於外復不能恐懼於內今又作如此等事以自取重罪此誠如

聖諭所謂下愚不移者也但臣身係親叔不能教誨臣姪罪實難追今蒙

皇上宥臣失教之罪

恩賜訓諭臣祇承之下既深感激復切悚惶所恨才短識庸未知如何圖報始可仰酬

高厚之恩於萬一耳爲此繕摺叩謝

天恩并繳

硃批謹

奏

無庸悚惶爾效力之處朕皆鑒悉加勉以圖上進可也

雍正四年五月三十日福建布政使臣沈廷正謹

奏爲恭謝

天恩事竊臣一介庸愚荷蒙

皇上格外洪慈於雍正三年十二月內由開歸河道擢爲河南按察使到任未幾又蒙

皇上特旨授爲福建布政使

命臣赴京

陛見後再赴新任臣聞

命自天感激無地隨即起程於雍正四年五月初二日

瞻仰

天顏荷蒙

溫語顧問屢次

賞臣克食初三日又

賜紫金錠藥扇墜諸珍物初七日又蒙

皇上召見指示教訓備極周詳

賜給

上諭一道朋黨論一道

御製詩一幅金扇茶葉等件

命臣由河南一路前赴福建布政使新任又蒙

皇上鑒臣愚誠令臣凡有陳奏之事繕摺交怡親王轉

達伏念臣以樗櫟之材仰蒙

聖主屢次超擢已覺捐糜難報今復受此種種

異數實爲格外

曠典感激涕零筆難陳繪臣自

陛辭後卽赴吏部領憑起程於五月二十六日到河南

省城遵將

皇上諭旨宣示撫臣田文鏡臣於五月三十日自河南起程前赴福建除有應奏之事遵

旨陸續繕摺交與怡親王轉達上請又請
聖裁外所有微臣銜感蟻忱理合具摺奏謝

天恩謹

奏

知道了從來受恩易報德難勉之觀毛文銓在閩甚覺不妥據實奏聞

同日又

聞奏為敬陳管見仰祈
睿鑒事竊臣荷蒙

聖主特達之知超擢今職隨蒙

恩諭令臣有應奏之事具摺奏
聞臣欽承之下感深五內苟有一得之愚安敢隱默不
奏言以負

皇上顧問至意今將臣在河南深知有可以裨益於
皇國計民生之事謹為我

皇上陳之一豫省臨河州縣應以黃河為界分管南北
以便巡防一豫省附近兌漕水次之沿河地方應

預爲積貯倉糧以濟漕運一不銀俱應按地派徵
皇上以廣一察皆謂所出細類以黃河爲界分營南北
皇仁以上三條是否可採伏乞

皇上垂覽鑒擇施行謹

奏

所奏三條俱好已發部議矣

雍正四年九月二十九日福建布政使臣沈廷正

謹

奏爲奏

聞事竊臣於本月初二日到福建布政使任所有

臣衙門經管通省一切錢糧倉穀等項經臣詳明
督撫現在委官分路盤查容俟查明照例具詳督
撫

題報外至查臣衙門歷來陋規每年約收各屬致送
節禮壽禮等銀一萬餘兩又各屬解司起運錢糧
每正銀一兩外加銀二分以爲總督巡撫布政司
鹽菜養廉之用通省每年額徵起運正銀一百二
萬六千九百七十七兩零共該收鹽菜養廉銀三
萬五百餘兩但此項銀兩係隨正解收每年各屬
正項錢糧歲內不能如數全完故鹽菜養廉一項

每年約止收銀一萬五六千兩不等內除送給督撫銀各四千餘兩其下剩銀六千餘兩留爲布政司鹽菜養廉今臣到任將各屬致送節禮壽禮等項俱皆禁革惟止存鹽菜養廉一項不敢遽革合謹繕摺奏

聞伏祈

皇上睿鑒謹

奏

類此等奏朕旣付之不覽但務實行自能鑒悉何待汝之陳奏耶

同日又

奏爲恭謝

天恩事竊臣前奏敬陳管見仰祈

睿鑒一摺奉到

硃批伏念臣所條奏原屬管窺蠡測恐不足以當

聖明採擇今蒙

硃批獎許發部議奏此誠格外

天恩臣感難言喻惟有殫竭駑駘實心報效以期仰副

皇上獎許鼓舞之

聖心已耳所有奉到

硃批諭旨

十一

沈廷正

硃批一併齎繳謹

奏

知道了朕之褒獎寵眷不可恃惟信已之居心行事則百無一失也

同日又

奏爲奏

聞事竊臣查得本年八月初七八九等日閩屬地方連日大雨有福州府屬之侯官古田連江羅源等縣福寧州屬之寧德縣俱被水淹浸當據各地方官申報隨經臣將情形一面詳請督撫

天題報在案今臣委官細查惟連江縣受災稍重所有被災窮民業經督撫撥發銀穀賑救現已安寧其餘各縣雖經被水但水勢隨長隨消惟有沿河低陷處田禾稍減分數其高阜田禾並無損傷現俱豐茂至查今年閩省地方早禾收成豐稔是以各處米價自八月至今日漸平減又查各屬晚穀豐茂異常民間咸稱收成俱在十分以上今已時屆九月轉瞬十月即可收穫將來晚穀登場米價自必更減誠恐地方民食上廛

宸衷理合將閩省田禾豐茂米價平減情形據實奏

聞謹聖合謀圖奮田禾豐茂米賈平減計承實奏

奏必更越越惡世古月食土重

總賴爾等地方大員實心敷政有以感召登思米賈日

天和方可獲豐登之慶也朕會言高其俸以入閩界必有

一番維新氣象今果然矣試觀平越又查谷風神豐

天人交感之理昭然不爽於此若仍信不及非庸愚而何

勉之謂出天降勅公其高皇出本並無封爵等

同日又親臨本國水樓觀其前對首出河池

奏為恭謝天業歷晉無難幾幾幾幾幾幾幾幾幾幾幾

天恩事竊臣於本年八月十七日接到部文知陝西巡

撫圖理琛以臣先在延安府知府任內因會審汪

元仕虧空一案限滿將周涌收貯西安府庫銀兩

擅那代完等語具疏

題參致奉部議革職乃荷

皇上格外弘慈

特賜恩旨沈廷正在豫省開歸道按察使任內聲名俱

好從前此案乃畏懼年羹堯勢力逼勒所致並非伊

之本意沈廷正著從寬免革職欽此臣隨恭設香案

望

闕叩頭謝

硃批諭旨

恩伏思臣被叅之案罪實難辭乃蒙
皇上聖明洞鑒

特賜矜全免臣革職此實從來罕觀之
洪恩而臣獨身承如此
殊遇跪聆之下感激涕零卽肝腦塗地亦難仰報
高深於萬一惟有益加惕厲勉盡匪躬之節以期上副
我

皇上鑒拔之深恩而已所有微臣銜感下忱謹繕摺恭
謝

天恩伏乞

皇上睿鑒謹回

備奏內

類斯等事亦並可邀恩
爲無妨因而倚恃恩寵放膽肆志殊非將來之福也勉
之慎之

同日又
奏爲恭謝

天恩事竊源於本年五月初七日蒙
皇上召見面奉降與河南巡撫田文鏡

諭旨并

硃批諭旨

御賜田文鏡鼻烟壺荷包

命臣前赴河南宣給田文鏡原摺恭奉

諭旨隨即就道於五月二十六日到河南恭傳

諭旨并將摺

御賜物件恭交田文鏡外臣隨將宣給過緣由具摺奏聞今蒙

皇上將臣原摺發回臣敬謹啟封伏閱臣原摺內蒙

皇上將臣向撫臣田文鏡宣述

諭旨內用

硃筆抹去七句仰荷

聖恩特賜

硃批內有錯記者已改發與田文鏡矣欽此竊念臣一

介庸陋仰蒙

聖主事事優容屢加

訓勵今將面奉

皇上所降河南巡撫田文鏡

諭旨不能記憶錯誤傳宣昏昧之罪實所難追乃蒙

皇上不加譴責且復蒙

批諭使臣知所警惕臣跪讀之下既深感激更切悚惶

嗣後惟有敬遵

硃批諭旨

十五

沈廷正

皇上批飭時加佩誦夙夜冰兢以期無負我

皇上天高地厚之隆恩於萬一耳謹此繕摺奏謝

天恩並將奉到

硃批一併恭繳謹

奏

殿陛之間面聆諭旨傳述一無差謬原屬難事諸如此等不及之過朕自諒汝也

同日又

奏為微臣奉到

硃批謹據實回奏仰祈

睿鑒事竊

皇上硃批訪查得福建撫臣毛文銓自到閩省先因不

聖訓諳地方情形或將窮民有拖欠地主租穀者通飭

地方官照依徵比錢糧之例勒限拘追以致窮民

不無嗟怨或將貪暴不法之官如與泉道陶範延

平府知府張道沛不行糾叅反令陶範仍管鹽務

令張道沛兼管海關事務而引為肘腋信用之人

以致官民多有不服又查有沿海向係地方官給

照稽查之商船毛文銓聽信張道沛言語止令海

關給照不令地方官稽查以致商船出入海洋無

可稽考又有章二杜四等係毛文銓管堂家人欺瞞伊主結連衙役孟愛等在省城開設銀號米舖又令門子陳瑞等前赴光澤縣一帶行鹽覓利遂致百姓有巡撫愛錢與民爭利之謠後經毛文銓覺察將陳瑞革役不許行鹽銀號米舖亦已停止又有各屬倉穀毛文銓止據各屬報到之冊籍爲憑並不細加盤查以致多有未清此等行爲誠如聖明洞鑒實屬不妥但此俱係毛文銓初到閩省所行皇之事自到任之後細看毛文銓爲人尚屬忠厚而辦事亦甚勤謹凡有從前所行與地方不甚相

宜之事現與督臣高其倬和衷商酌逐一更正以故數月以來官民俱各相安再查本年五月十一日百姓至巡撫衙門嚷鬧一事緣彼時省城米少秦價昂百姓見南臺客米八船欲販往興化府糶賣和州百姓阻住不容開船毛文銓以興化地方需米甚皇上急客販不可阻滯令閩縣知縣前往曉諭該縣不善開導勸諭以致擁進省城齊至巡撫衙門嚷鬧直至毛文銓親自出堂明白曉諭復將嚷鬧者查拏十餘人當卽責懲百姓始認罪散去至今人皆傳說實係百姓刁頑等語此皆臣到閩所見所聞

之事合謹據實奏陳等語此皆引陸園飛良汎聞
聞至撫臣毛文銓此後行事如果有未妥之處容臣再
行具手文銓時自出堂門白執備廚部製開香查
奏斷不敢稍有隱諱以負我朝齊全庶幾齊門製開
皇上垂問至意所有原奉國錄狀錄節并執備送錄不
硃批一併恭繳謹容開派手文銓以與外庶式需米其
奏費限百數員南臺容米八兩餘項去與外庶式需米其
知道了毛文銓行爲若此卽甚屬不妥汝意必如何方
謂爲不妥耶以米官只與谷歸安再查本報五月十一
雍正五年正月初七日福建布政使溫沈廷正謹

奏爲

聖恩愈重慚感益深謹具摺奏

大謝恭繳

硃批事竊臣因前任陝西巡撫圖理琛

題參臣在延安府知府任內會審汪元仕虧空一案

部議革職仰蒙

皇上格外矜全從寬免臣革職臣隨具摺恭謝

天恩今蒙

皇上將臣摺發回臣叩頭啟封敬閱

硃批諭旨伏念此案荷蒙

硃批諭旨

聖主寬宥已屬格外

殊恩今復荷

殊批提撕警覺曲加訓勉雖家人父子亦從未有如此
皇上之諄切教誨臣跪誦之下感激涕零愧悔無地嗣

後惟有凜奉

諭旨朝夕警省每事愈加小心謹慎以期無負我

皇上成全訓誡之深恩耳謹此繕摺恭謝

天恩併繳

殊批謹

奏

朕用天下羣才素非謀面止據羣工之薦揚糾劾尚欲
甄別淑慝黜陟幽明況藩邸有數幾人皆向所稔悉苟
有一長可取者豈肯不拔擢任用以示勸其言行乖違
枯終不悛者何容不譴責棄逐以示懲若一任倚恃私
恩干犯法紀在汝等喪失天良自招罪戾此其小者天
下後世將謂朕爲何如主耶如傅鼐博爾多朕何嘗不
期望成一人物其奈小人福淺何此二人卽係汝等榜
樣惟自信無他方保始終盡善試思於朕前能陷害人
者爲誰能援庇救濟人者爲誰朕之耳目心思匪可簧
鼓搖惑也努力實行做一好官成一好人以報效國家

垂名史冊顧不美歟較之眼前浮榮小利奚啻徑庭勉之勉之母辜朕望

同日又

奏爲恭謝

天恩事竊臣前因陳奏河南事宜三條仰荷

皇上洪恩特敕部議臣隨繕摺恭謝

天恩今蒙

皇上將臣原摺發回臣叩頭啟封敬閱奉有

硃批仰見我

皇上教育恩深無微不至以居心行事勗臣俾臣時加

聖訓省察駑鈍如臣猶蒙

皇上訓示諄諄有加無已臣跪誦之下感深肌髓莫能

名狀惟有敬謹服膺朝夕惕厲以期無負我

皇上天高地厚之洪恩已耳爲此具摺恭謝

天恩併繳

硃批謹

奏

覽奏已悉奮勉實行加謹加慎方克有終

雍正五年閏三月二十一日福建布政使臣沈廷

正謹

硃批諭旨

三

沈廷正

奏爲恭謝

天恩事竊臣因前任陝西延安府知府任內會審汪元仕虧空一案部議革職仰蒙

皇上格外洪恩從寬免臣革職復荷

殊批諄諄訓勉臣隨繕摺奏謝

聖恩令蒙

皇上將臣原摺發回臣叩頭敬閱奉有恭批

殊批伏念臣一介庸材仰蒙

皇上數十年參養之恩游授今職頻荷

聖諭誨勉有加無已茲復蒙

皇上殊批訓誡諄切周詳既示姬以榜樣更示臣以他

人不能陷害勉臣作一好官報答

隨國恩提撕警覺期望彌殷臣跪誦之下不勝感激涕

零嗣後惟有凜遵

聖訓勉力實行始終冰兢恪盡臣職以期仰副我

皇上教誡之深恩已耳爲此繕摺恭謝

天恩并將原奉

殊批恭繳謹

奏

一切訓諭只在能行與否不宜惟以章奏爲務若不實

殊批諭旨

王

沈廷正

心實力信奉遵行將來至噬臍不及時悔何及也不

奏同日又

和奏為恭謝

天恩事竊臣前因陳奏河南事宜三條蒙

皇上特敕部議臣隨繕摺奏謝附恭摺

天恩仰荷實荷故絲水煎外盡引難以照例備拜

殊批令臣只信自己居心行事諄諄

訓勉臣復繕摺奏謝望蒙聖鑒訓勉之至不勝感戴

謝茲蒙 聖訓書 朕 旨 朕 旨 朕 旨

皇上將臣原摺發回臣即叩頭敬閱奉有更示臣以

殊批仰見我 聖訓 朕 旨 朕 旨 朕 旨

皇上恩同覆載訓誨維殷臣惟有恪遵 聖訓 朕 旨 朕 旨 朕 旨

聖訓加謹加慎期保克終以上報 聖訓 朕 旨 朕 旨 朕 旨

聖主垂誠之深恩於萬一耳謹此繕摺恭謝 聖訓 朕 旨 朕 旨 朕 旨

天恩併繳

殊批謹

奏

能於朕諭誠信一分則受福一分能加勉敬慎則祿位

悠久此亦自然之理但地方上一切吏治民風雨暘年

歲何故一字不及數千里之遙僕僕道路止齋呈一篇

殊批諭旨

三

沈廷正

閒話將欲借奏摺聲勢以挾制督撫恐嚇同寅誇示屬員耶徒滋勞費於事何益之有閩省如無可上聞事件似此毫無益於用人行政之奏嗣後不必

雍正五年四月十六日福建布政使臣沈廷正謹
奏爲據實奏

聞伏祈

聖鑒事竊臣自抵任後訪得閩省府廳州縣各官向來因循瞻顧怠玩廢弛倉庫多有虧缺督臣高其倬深知陋弊令臣詳委專員將各屬倉庫徹底盤查臣卽詳明督撫將各府廳州及附郭首縣俱委道

員盤查以專責成其餘各縣悉委別府屬縣分盤以杜同府之瞻徇今催據各委員送到盤查倉穀冊結臣查閩省官民捐積監穀通共一百八十二萬四千二百二十二石零內除征臺軍需并連江縣水災豁免以及叅追虧空等項外其餘各屬貯倉之穀據稱有歷年發糶尚未買補並前任流交現存穀價者有碾米給兵尚未徵補者有歷任流交民欠及發價採買未補者現在實貯之穀合之原額數目未及其半此倉儲之所以有名無實也查平糶一項原因青黃不接暫濟民食當秋收之

時自應照數買補無如各屬任意延緩並不買補
槩存價銀今臣已詳明解貯司庫以杜虧空俟秋
收時發還買補又碾米給兵一項查兵米原係地
方官徵收支放祇緣青黃不接之時民間輸納不
前兵食又難緩待是以從前

題定每年春夏二季兵米暫借倉穀碾給該地方官
自應於秋收後照數徵補乃借後任民拖欠以致
歷年多有未清臣因係糧道專司一面移道嚴查
一面分檄各屬飭令照數徵補倘有以完作欠立
卽揭報督撫叅追又流交穀價一項乃係歷任各

州縣交代之時倉貯缺額遂折價移交以副交盤
之限每石價銀自三錢八分至四錢四五分不等
近年穀價稍貴不足買補是價雖實貯穀已虛懸
更有流交民欠一項據稱發價採買尚未交倉但
歷任相沿漫不催交以致僅存空領穀無實貯以
止各項前於三年實數之數

奏報案內俱皆捏造實貯此番盤查務期徹底清楚
飭令各屬據實具結在各道府多有仍照往年一
槩出具實貯印結臣詳明駁換各屬觀望延挨稽
誤時日而限期迫屆臣隨將各道府報到穀數彙

造草冊呈送督撫復核經署撫臣毛文銓將草冊內兩次粘簽命臣將三年捏報實貯穀數改作四年平糶臣查三年捏報實貯穀數一切流交民欠未買等項俱各包藏在內今若改作四年平糶固可符三年捏報實貯之數然臣何敢改移年分以自蹈欺罔之罪隨向毛文銓再四婉稟不便改造在毛文銓以臣爲行事刻薄過於膠執卽各屬亦俱恐罹三年捏報之重譴怨恨更甚今各知府自知三年捏報實貯之穀不能掩飾隨俱陸續具報買補臣以各屬盤查後續報買補米穀必須委

員盤驗明確方可入冊而毛文銓云各屬報買米穀一面委員盤查一面只管造冊限期已逾不能久待如查有不足隨後亦可

題叅等語臣只得詳明入冊惟漳州一府因該知府耿國祚與汀漳道劉燦彼此互揭所以漳州一府未計縣之倉穀有無虧空實難懸定應俟糧道李玉鉉盤明回日方知確實臣已將情由詳明督撫俟盤查明白後另行造報不敢彙冊詳送其餘各屬倉穀屢據福州府知府胡承謀向臣稟稱總督意在保全屬員將流交并三年捏報穀石司冊內不

妨改作四年平糶只須我們經營各府縣將現在
平糶江浙米穀糶少報多既可歸還價銀又可買
穀補倉將來亦無後患一轉移間不特巡撫可符
三年間回日次快辦實事已詳前由前臣等
奏報之數而各屬亦可免三年捏報實貯重譴且閩
省歷年未清倉穀經總督此番盤查之後再待兩
三月俱可實在盡成實貯將此美名歸於總督此
事我們共同商議已就等語臣思知府胡承謀所
言若出於毛文銓之意情或有之高其倬必無此
意臣於到任後高其倬屢與臣言倉穀一事務要

據實造報不可稍有徇隱且我們兩人亦賠不起
表卽巡撫有三年

皇奏報案內捏造實貯之數亦不能代爲掩飾語言何
聖等嚴切豈有令各府縣糶少報多巧圖彌補之理
至於毛文銓一聞臣據實造冊之言遂怒形辭色
必欲將各屬未補流交民欠等項盡造實貯方合
其意是以各府縣結成黨羽與巡撫通同一氣紛
紛具報買補將完何從前艱於採買而此時一旦
買補如此之易欺朦掩飾情弊顯然臣雖立刻委
員盤驗查取倉收奈所委之員不過係閩省各官

伊等暗相聯絡百計扶捏虛實殊難憑信臣思倉穀頗易盤查尚有如許掩飾而錢糧之那新掩舊以完作欠并已徵在官溢額銀兩侵隱不報混淆更甚容臣確查另摺奏黨匪與逆賊同一康僉聞外臣目擊情形寧受巡撫與屬員之怨恨不敢稍有瞻顧隱瞞謹據實繕摺上陳計之言效恐之難言聖聰伏候 旨 皇上睿裁謹 奏

奏明巡撫官三平

朕原謂毛文銓不妥高其俸亦慮其偏於善柔爾此奏甚屬可嘉但恐擇善不固言行不能相符倘亦被誘入其中通同欺隱料常賚到時必不肯隱默縱令常賚仍復追隨步趨現有直隸江西湖北榜樣朕既知其不妥自當逐漸清理到爾閩省彼時爾等身家性命干係較之巡撫各屬之忌恨試思孰輕孰重耶秉公正色勉力爲之負君悞國之咎斷不可蹈宵小之怨憾何足介意汝自處於不敗之地他人其如汝何坦懷勿慮可也

雍正五年七月初三日福建布政使臣沈廷正謹

奏爲敬陳倉穀造冊原委仰祈

睿鑒事竊臣前因察盤閩省各屬倉穀已將一切情節

殊此諭旨

毛

沈廷正

繕摺奏

聞外嗣緣漳州一府并所屬十縣倉穀查有虧缺未清
必須盤查明白臣方可造冊詳送而署撫臣毛文
銓令臣止照知府耿國祚造報實貯之穀彙入冊
內臣再四不敢依從又汀漳道劉燦先因揭報耿
國祚虧空未肯出結及到省數日旋即出結而出
結之後又因耿國祚造送冊結不符復具文通詳
云被耿國祚哄騙出結等情署撫臣毛文銓無可
如何只得將閏三月內劉燦與耿國祚互揭虧空
勒索各情由於六月初六日具疏

題叅在案所有漳州一府十縣倉穀隨經毛文銓批
令臣不必彙造而總督臣高其倬又批令臣止將
漳州府并龍溪縣二處扣出其餘漳屬九縣仍令
造冊此外各府屬縣凡雍正三年捏報實貯之穀
或已經買補或現在存價無論多寡臣自應據實
開造無如毛文銓見冊內造有存價字樣者即爲
不悅適於六月二十三日臣接到署撫牌文內開
係蒙

皇上所降署巡撫毛文銓

訓旨并將福州府知府胡承謀革職卽速進京等因欽

順旨遵轉行到臣臣隨將盤察倉穀一案據實造冊於
六月二十六日詳送自送冊之後毛文銓諸事吹
求臣惟有順受至臣此番所造察盤倉穀清冊俱
係據實開造凡買補穀石年月備細註明是以與
往年冊式不同臣謹將造冊緣由繕摺奏

聞謹

奏

知道了易云臣不密則失身前次之奏併今此所奏俱
當固密爲要稍露則禍卽隨之矣

同日又

奏爲據實奏

聞事竊照閩省察盤倉穀一案臣已將各屬情形并造
冊稽遲緣由於本年四月十六日繕摺奏達

聖聰外今臣檢查雍正二三年察盤倉穀底冊有泉
州府屬之晉江南安永春三縣漳州府屬之龍溪
漳浦南靖龍巖四縣俱開有被水發糶穀石查雍
正二年泉漳二府會報被水並不成災惟龍溪南
靖二縣倉穀淹濕具有報案至晉江南安永春漳
浦南靖龍巖等縣因流交穀價僅有四五錢不等
不敷買補是以捏作被水發糶並無報案余值察

盤之際臣日事督催除永春漳浦南靖龍巖四縣已於雍正三年買補外其南安晉江龍溪三縣近據該府縣具報將存貯穀價俱照數買穀補倉并送倉收在案又原任泉州府叅革知府王道成攝理晉江縣事任內虧空穀價銀九百七十三兩未經完補接任知縣葉祖烈屢次通詳並不著落究追竟聽王道成請咨歸旗葉祖烈以穀價無著不得已請將耗羨銀內抵補經毛文銓批允今於盤查之時始據葉祖烈照數買補又原任汀州府叅革知府吳澍虧空未補穀三萬九千三百七十八

石零存價銀二萬九千六百六十四兩零經前任總督滿保

題明發給邵武建寧二府買穀補倉嗣於雍正三年復經總督滿保會同巡撫黃國材

題報邵武建寧二府除將前項穀石買補全完外又多買穀石剩有贏餘銀兩請將採買各官議敘經部議奉

旨准將府縣各官議敘在案臣查此項穀石當日

題請議敘之時惟建寧府買足貯倉而邵武府屬之邵武縣光澤縣俱尚有民欠倉穀未交前任督撫

遽以照數買足

題報府縣各官遂邀議敘今委員盤查之後始據光澤縣報收全完出具倉收到司而邵武縣尚有未買穀八百一十石價貯府庫臣屢檄嚴催始據邵武府以價貯府庫現今買收府倉等語申覆以上三案雖據該府縣俱已照數報買但臣既經查出除察盤冊內登明外理合據實奏

聞謹

奏

前此之虧缺果能買補足數則可以已但恐所報者尚

未必實貯在倉也諸凡弊端統俟欽差到時備悉言之

同日又

奏爲奏

聞事竊臣於上年八月到任後查得泉州府屬之南安縣參革知縣黃廷鑑虧空案內有康熙五十六年起至雍正二年止民欠地丁銀三萬五千餘兩接任知縣湯啓聲知民欠不實在於櫃書家內搜出空白印串情弊顯然是以湯啓聲不肯出具認徵民欠印結具文詳報臣隨於上年九月內轉詳督

撫

題明奉

旨嚴提詳審追擬茲據泉州府知府張無咎申報南安縣知縣沈榷會同晉江縣知縣葉祖烈暨署泉州府通判王仁詳稱審據南安縣管糧經承陳新供出現任福州府理事同知時惟豫於康熙五十九年間在前任泉州府海防同知任內第二次署理南安縣印務將徵完康熙五十九六十兩年地丁錢糧內共截出銀五千四百兩侵欺入己并將流串日報拆封簿燒毀無存捏造民欠流交後任已據陳新具有甘結并稱時惟豫曾差人賄囑不令

供出等情知府張無咎以縣審並不加具切看一面駁審一面轉報前來臣查南安縣民欠錢糧既據經承陳新供有時惟豫侵蝕情弊是否確實必須質審方可定案隨嚴檄該府作速審解并將理事同知時惟豫揭報督撫立請

題參解任質審外事關官吏侵欺錢糧臣謹據實奏聞伏祈

皇上睿鑒謹

奏

不特此案一切案件總同欽差秉公辦理可也

雍正五年七月初八日署理福建巡撫印務布政使臣沈廷正謹

奏為奏

聞事竊照閩海關稅務經前署撫臣毛文銓

題委泉州府知府張無咎管理徵收今張無咎因將厦防廳未買倉穀捏報實貯經臣會疏

題叅在案所有閩海關稅務亟需賢員料理臣查鹽驛道陳豫朋老成練達辦事勤慎堪以接管稅務除現在委令該道前往暫行管理并確查從前徵解稅銀數目俟該道呈報接印日期到臣即照

例

題明請

旨遵行外謹繕摺奏

聞伏祈

睿鑒謹

奏

好海關稅務可謂委署得人

同日又

奏為奏

聞事竊閩省察盤倉穀一案臣已據實分析造冊詳送

殊批諭旨

三

沈廷正

督撫在案祇緣各屬所出倉收印結恐有欺朦情弊臣於造冊後隨詳明覆加盤查茲據前署泉州府廈防同知事汀州府同知李暉詳稱廈防廳倉有流交并碾米給兵共未買穀二萬七百餘石止存價銀係知府張無咎報買足數寫書囑令捏出倉收又李暉將運廈平糶浙米二千餘石抵給兵米捏作倉穀碾米放給等情自行檢舉前來臣隨將知府張無咎同知李暉會疏

題叅外伏查閩省倉穀前因知府胡承謀結連同寅屬員覬覦江浙平糶米穀彌縫貢補那掩捏報洵

為罪魁仰蒙

皇上聖明洞燭將胡承謀革職進京之後一切弊端漸已顯露將來各府縣中如廈防廳之捏出倉收虛報實貯者更不知凡幾矣除現在逐一再行嚴加確查外謹繕摺奏

聞伏祈

睿鑒謹

奏

所奏知道了朕今簡命楊文乾等來閩諒伊等到時自將一一清楚也

硃批諭旨

三

沈廷正

雍正五年十月初三日福建布政使臣沈廷正謹
奏為恭繳

硃批事竊臣前將捏報倉穀失水及耗羨補完虧空并
冒邀議敘等案各緣由繕摺奏

聞茲蒙

皇上將臣原摺發回奉到

硃批臣跪誦之下仰見我

皇上天地為懷大公至正凡在

覆載之中共切

生成之戴臣遵將諸凡弊端於

欽差到閩之時已一一備悉明白造冊分送在案今廣

東撫臣楊文乾會同撫臣常賚將閩省府廳州縣

天恩各員缺盡委

命往人員署理盤查總期徹底澄清務使水落石出如

有假捏不實貯在倉者臣立即據實揭報聽候

題叅斷不敢一毫徇隱上負

隆恩所有奉到

硃批理合恭繳謹

奏

從來天下事以得中為貴但能屏去一私自無不當之

理若恐累及已身而過於從事名爲公舉仍屬私心惟
相機合宜只求益於國計民生而爲之則雖私亦公也
是非當否全在公私二字卽

上蒼之錫福降災亦各因公私而譴祐也可不慎歟凡人
解悟此理者少勉爲之

同日又不實
奏爲恭謝

天恩事本年八月十二日

欽差廣東巡撫臣楊文乾到閩傳
旨沈廷正此番辦事如果盡心竭力朕必用伊爲別省

巡撫若少有徇隱瞻顧朕決不輕恕欽此臣跪聆之

不勝感激悚惶伏念臣蒙

聖主參養任用之恩至深至厚縱竭盡駑駘力圖報效

亦不能仰答

高深於萬一又何敢少存徇隱瞻顧之念自蹈欺

君負國之罪惟是心切報

主不避怨嫌每致事多掣肘正際孤立寡援之候特邀

聖恩畀臣署理巡撫印務復

遣重臣來閩清查倉庫俾臣職守應爲之事欲言未遂

之志得以稍盡心力仰見

硃批諭旨

三

沈廷正

聖主憫臣孤立格外
矜全從此戴高履厚之年皆犬馬圖報之日矣所有
欽差臣楊文乾來閩會同撫臣常賚辦理事宜就臣見
知者謹陳其槩如閩省府廳州縣有倉庫關係者
其已叅及出差離任等缺經督撫委署在先酌量
現署之人如係來閩人員甫經署事現在交盤者
俱不更換外其有雖係來閩人員署理但爲日已
久又經出結者惟恐從前或有逼勒扶同之弊卽
將現到候補人員改署查其虛實再有於倉穀案
內已叅聽候部議未離任之員及雖無倉穀壘礙

在任年久各官交錯調換委候補人員分往署事
盤查以倉庫之虧足定本官之去留更將委往之
員又斟酌地方之繁簡試看才具之短長因地制
宜隨材器使復令臣將通省各項倉穀及歷年未
完正雜錢糧江浙運閩米穀糶賣價銀各數按項
造冊徹底清理又念漳泉二府爲財賦重地令郎
中鄂彌達往漳州府員外郎伊拉齊往泉州府親
身察盤俱於八月二十八日自省起程矣合併陳
明緣臣奉到

聖訓謹此繕摺恭謝

天恩謹

奏

如是辦理甚好仍須加勉自勵庶無放恣之失

同日又

奏爲奏

聞事竊查閩省自八月初二日得雨以後雨水稀少臣恐有妨田禾遍行各屬確查情形及體訪老農俱云雨水雖然不足幸露重不患乾燥惟漳州府屬之詔安縣雨澤愆期將來收成不無稍歉再汀州府屬之永定縣夏被水災經臣詳報撫臣具

題在案今雖勘不成災但恐被水人戶寒冬無以資

生又詳明督臣委員往永定被災之處查明乏食

窮民或銀或米酌量撫恤俾免失所至臺灣府屬

之彰化縣夏間偶遭風患嗣據報稱亦無傷損田

禾前九月二十七八兩日省城連得大雨四野霑

澤是閩省田地依山傍海高低不一是以收割亦有

遲早不同約計分數福興延建汀邵六府俱有八

九分及七八分不等泉漳二府約有六七分及五

六分不等臺灣府屬禾苗現在結實亦約有八九

分不等福寧州屬亦俱有六七分不等再查福興

泉漳四府地瓜番薯俱已成熟是統計閩省本年
早晚二禾收成雖不獲盡登大有但較之歷年以
來似又不可多得者矣臣謹繕摺奏六十年又正
聞上慰早禾同餘情衣屢顯與我數百稻六秋其百八
聖懷謹聞
奏奉前式八月二十八日旨批該部大兩四裡
覽收成分數朕懷深慰

雍正五年十二月二十五日福建布政使臣沈廷

正謹

奏為恭繳

硃批仰祈

睿鑒事竊臣齋摺人回捧到臣奏捏報失水等事一摺

奉有

硃批臣跪讀之下仰見我

皇上天地為懷仁慈普被凡在化育之中無不提撕警

覺格外生成似臣之愚昧若不蒙

聖明照鑒洞徹隱微臣雖行之終身而不自知其非今

皇上自奉

聖諭之後不覺心地豁然辦事循循有序朝夕每捧誦
硃批字字箴規實可

硃批諭旨

垂訓萬世臣具有人心敢不敬遵益加勉勵屏去私心
皇上教訓成全之盛心於萬一所有奉到

硃批理合恭繳謹

奏

訓諭雖由於朕確信與否力行與否則在爾也不但朕
不能強卽爾自身亦看福量何如耳辨別公私二字甚
難莫看作易事勉之勉之

奏

奏爲據實奏

聞事竊查來閩候補知縣管景濂題授侯官縣旋卽丁

憂離任奉

欽差委往福清縣清查舊欠錢糧遲延不覆經

欽差檄行申飭管景濂卽拘承催之保長責比衆人卽

匿名貼揭又以管景濂帶往侯官縣書辦蔣秀門

子楊貴需索銀錢一時逞刁卽將管景濂坐轎毀

碎管景濂亦以福清縣糧房李信等侵糧弊露唆

使所致具稟通報臣一面轉詳卽據詳提犯續將

先到案人犯嚴審據李信等供認指使毀轎不諱

質訊侯官縣書辦蔣秀門子楊貴俱供認得有福

清縣各糧房銀錢等語臣卽將審過情由通詳
欽差暨督撫二臣併聲明提到餘犯另審在案又訪聞
學臣程元章考試漳郡正在看箭之時人多擁擠
守役執鞭驅逐悞及武生與考生童及觀看閒人
輒以辱及斯文羣起擲石誼譁學臣卽將本役薄
責隨卽停考務拏出首犯懲儆然後考試後因衆
生童懇求情切復行考試仍嚴拏爲首棍徒適署
漳州府知府潘體豐在省臣卽諄囑確查爲首之
人嚴拏懲究嗣奉督撫准學臣來咨行臣轉飭查
拏臣復飛檄催提外理合繕摺奏

聞謹會融其案其一四案計不煩重錄實期於速
奏

此二事於汝奏未到以前朕業已聞之矣

旨發同日又因預善各案

奏爲恭謝則宗廟內存獻宗卷時特

天恩仰祈

睿鑒事竊臣前將

欽差初到閩省所行盤查倉儲事宜約畧具摺奏

聞今臣齎摺人回奉到

硃批仰見

硃批諭旨

聖

沈廷正

聖主教訓成全有加無已臣敢不敬遵

諭旨小心謹慎益加勉勵茲通省府廳州縣倉庫俱委
差現署之員徹底查盤如錢糧內有虧空那移官侵
容吏蝕及虛開民欠者經臣陸續通詳

欽差臣楊文乾等會同撫臣常賚

題參仍勒限完補內有續完者即詳題開復至奉

旨發審之耿國祚等各案臣謹遵

聖訓小心謹密會同按察使喬學尹秉公審理逐案詳

奏解

欽差會題在案其一切案情不敢重複瀆陳外惟有通

省倉穀並分別官民捐積監穀將從前額數及參
皇上後買補并現存價值者條分縷析備造清冊詳題
內有虧缺霉爛者另詳參追現存之穀臣面稟

欽差徹底盤查以穀無石碾米五斗足數者照額盤收
越差倘不足五斗及有盤少者照缺少之數合算賠補

至於存庫穀價有多寡之不同地方有產穀不產
穀之分臣悉心斟酌揆度情形除興化府已買補
不議外所有福泉汀漳四府素非產米之區應委
官齎價協同原經手之員往隣省豐收地方購買
其延建邵三府并福寧州各於本地採買惟福寧

州恐一時買不足數亦令隣省購買其往外處採買者定限六箇月運回收貯其本地採買者照穀數之多寡定買補之限期多者限以三箇月爲止俱令現任官督同原經手之員依限買補如逾限將督買與經手之官叅處其脚價不敷之處經欽差會同撫臣常賚行令原任巡撫毛文銓賠補俱現規畫在通行各官遵照從此通省之積弊頓除千載之規模永定若非我民精於農桑之勤而果皇上睿慮周詳委用得人安得官不煩而民不擾八閩之倉庫充裕海疆之兵民俱有攸賴也臣愚無知

躬逢

盛世安享救寧實切惶悚惟有殫心竭力永圖犬馬之報已耳現在

欽差廣東撫臣楊文乾於本年十二月二十六日赴廣浙江觀風整俗使臣許容吏部郎中臣鄂彌達亦於同日起程矣至員外郎臣伊拉齊撫臣楊文乾傳

旨補授福建鹽驛道合併繕摺奏

聞伏祈

皇上睿鑒謹

硃批諭旨

聖

沈廷正

奏

欣悅覽之朕顧慮閩疆之念少釋矣

雍正六年正月初八日福建布政使補授貴州巡

撫臣沈廷正謹

奏爲恭謝

天恩仰請

陛見以抒下情事竊臣於雍正六年正月初六日奉督

撫二臣准吏部咨文內開奉

上諭何世璠到京另有有用處貴州巡撫員缺著沈廷正

補授等因欽此轉行到臣臣聞

命自天感激無地隨恭設香案望

闕叩頭謝

恩第念臣智識短淺閩藩兩載未效涓埃幸蒙

皇上聖訓頻頒是以得免隕越今復荷

皇上天恩畀臣貴州巡撫任愈重而懼愈深感悚之忱

實難言喻若不趨赴

闕廷面聆

訓旨恐黔省苗獠雜處一切地方事務無所遵循輾轉

思維孺慕益甚臣擬於交代清楚之日卽星馳就

道在江西湖廣適中地方恭候

硃批諭旨

器

沈廷正

恩旨伏乞
皇上憐臣愚昧犬馬戀
主出於至誠
准臣入京

陛見躬承

聖訓親授方畧庶邊疆緊要之區措施不致失宜矣謹

此繕摺奏

聞臣曷勝激切待

命之至謹

命奏天

爾今往撫黔省較之閩藩之任尚易諸凡諮詢鄂爾泰而行可也此人心地非如高其倬一流但知自顧而不顧人實乃當代偉器爲古名臣中之罕見者爾到任後自知爾爲藩司時朕不惜諄諄訓誨茲任巡撫表率通省寧不更重然朕一無所論惟與鄂爾泰同心協力誠信相孚斷不至有損於爾一切地方事務請訓於朕不如就正於伊封疆之責最要者惟察吏一著不宜故立異同凡有所見與伊詳悉商酌辦理諒必無差謬果能謹遵朕旨實心奉行保爾爲平安悠久一好撫臣也如交代已竣速赴新任毋遲

同日又

奏爲奏

聞事竊查閩省去歲秋冬收成分數雨水情形經臣繕摺具

奏俱蒙

聖鑒今歲新春訪查米糧價值米有上中下不等故價亦有多寡不同福興二府屬每石一兩二錢及一兩三四錢不等泉汀漳三府屬每石一兩三四錢及一兩五六錢不等延建邵三府屬每石八九錢及一兩一錢餘分不等臺灣府屬每石一兩餘分

及一兩二錢餘分不等福寧州屬每石九錢餘分及一兩有零不等通省米價頗平百姓俱各安居樂業麥苗現在秀發理合繕摺奏

聞謹

皇奏

據奏閩省米價尚未見甚平

天恩雍正六年四月初二日貴州巡撫臣沈廷正謹

奏爲恭謝

天恩事本年四月初二日臣於延平府地方據臣齎摺到貝人回捧到臣前奏懇請

硃批諭旨

吳

沈廷正

陸見六摺奉有
硃批重跪誦
諭旨諄諄開導不啻面對

天顏親聆六甲四民時二日貴州巡撫臣沈延正
提命敢不銘心鑄骨字字恪遵實力奉行以仰副我
皇上隆恩異數有加無已之盛心至貴州地方情形屬
吏賢否與夫興革撫綏事宜容臣到任留心察訪
凡有關於庫帑積儲吏治民生者臣惟仰遵

聖諭一秉至公諮訪督臣鄂爾泰詳悉商酌辦理斷不
敢故立異同徧執已見致負

國恩除臣起程日期已另行奏

聞外理合繕摺奏謝

天恩并繳

硃批謹

奏

朕意不但諮訪事宜而已當竭力效法其居心爲要勉
之

同日又

奏爲恭繳

硃批仰祈

硃批諭旨

睿鑒事竊臣於雍正五年十二月二十五日將
欽差清查倉庫明白緣由具摺奏謝

天恩奉有

硃批又將漳郡武童不法罷考及候補知縣管景濂奉

委福清縣清查民欠被百姓毀轎各情由具摺奏

聞奉有

硃批又將原奉

硃批具摺恭繳奉有

硃批臣俱敬謹跪領伏念臣碌碌庸材坐糜廩祿揣分

難安夙夜思維何莫非

聖主洪恩澤及微軀敢不敬凜意高平部中如保百製
訓諭竭盡駑駘勉報效於萬分所有奉到時巡家人
硃批差摺理合恭繳謹

奏自伏查察辦委於辦官盪驟以姪稟謝備壽人
矢志報效固好但須實力行之恪秉一誠無欺無隱為

要

雍正六年七月廿六日貴州巡撫臣沈廷正謹

奏為奏會縣並鎮禁戲式官飲林外並派發另圖員

問事竊臣蒙

皇上天恩陞授貴州巡撫於本年六月初八日到任業

皇上經恭疏奏請嚴禁地方官於秋收後派發民間買
送米穀一事向臣說知自入境之時即訪聞黔
省各府州縣去歲平糶倉糧減價太多以致秋成
官民買補維艱又聞糶賣倉糧時本官多有不親
自赴倉查察惟委佐雜官監糶以致豪棍衙蠹人
等各捏戶名一齊赴倉爭先糶買窮民終日守候
隨備不得顆粒到手及糶買時又被府州縣親戚家人
望土勾同書辦將戩頭斗面任意高下暗中取利百弊

叢生臣到任後隨行文嚴飭司道府州縣各官力
除積弊如敢仍蹈前轍臣即會疏

題參究處倘各屬果能親身監糶不致欺隱秋成斷
無不敷買補之理所有派發民間買送之弊臣自
當嚴行禁革至借給倉糧在祖秉圭謂糶不如借
臣愚以爲糶糧尚有價銀存庫而借糧多係豪矜
地棍串通姦胥猾吏爲之倡議引誘一二窮民列
入呈首向州縣借領雖有領狀保人多有假名假
姓難以憑信或秋收稍薄或經手官陞遷事故遂
藉口延挨虛懸倉儲故青黃不接之時只宜平糶

不可輕易借給若地方實係歉收窮民嗷嗷待哺
無力糴買倉糧又應仰體皇仁六面酌量照例借給一面繕摺奏人皇仁六面酌量照例借給
聞此係暫時權宜非可定例與平糶並行臣管窺愚見
未知當否伏候皇上訓示遵行謹
奏

同日又

奏為奏

覽借糶二議汝所見是祖秉圭原係庸平人也

聞事竊黔省地方自五月下旬以來雨澤愆期在得水
低田並無妨礙而高田灌溉難施未免亢旱臣到
任後率同司道文武各官齋沐設壇竭誠祈雨齊
赴

福黔潤澤龍神廟行香并通飭各屬一體虔禱又聞
米價稍長前署撫臣祖秉圭雖經檄令各屬開倉
平糶止有省城府倉糶賣其餘多有未曾開糶臣
恐貧民乏食復又行文飛飭平糶以廣

皇仁幸於六月十三四及十七八等日各府州縣并離
省數十里地方俱得雨澤嗣於二十三四等日及

七月初一初五初十至十一二三等日連沛甘霖
自省城以至離省數百里地方盡皆霑足其離省
寫遠之處雖未報到但密雲四布雨澤自必普被
臣於七月十六日親赴四郊驗看雨水禾苗情形
細詢農民據云黔省坑落老田名爲爛田又名濕
田今逢久曬此時又得透雨禾苗比往年更加暢
茂將來秋收必有十分其低平田畝現在雨水充
足禾苗亦盛定獲豐收惟新墾山上高田名爲乾
田率多沙石是以未得雨之前禾苗半帶黃色不
能滋長兼有枯色者自得透雨之後禾苗盡轉青

色驟長吐穗將來六七分收成可望其雜糧更加
茂盛百姓衆口同聲云黔省總以老田收穫爲主
今歲統高下合算必有八九分收成等語惟黔西
州從前所報雨澤比他處微小所以收成稍薄而

謹據實奏

聞謹

奏

覽得雨情形朕懷深慰

皇上同日又

聖奏爲奏請

殊批諭旨

至

沈廷正

聖裁事竊照黔省苗猥雜處良頑不一恭逢

皇上德威廣被聲教覃敷凡各路生苗陸續向化惟黎平鎮遠平越都勻等府與楚粵接壤一帶生苗每有欺陵百姓干犯法紀而八萬古州九股生苗盤踞深山道路不通達聲息不相連貫經督臣鄂爾泰特委按察使張廣泗前往化誨招撫清理疆界臣到任後因張廣泗親赴苗疆盡心招撫所有跟隨出力官兵必須時加賞賚卽投順生苗亦應賞給花紅銀牌斷不可少且張廣泗行營需費甚多雖經督臣給過銀一千兩但恐不敷應用臣再

奏因思維現在司庫無項可動惟捐納項下所存七分公費銀兩可以撥給臣隨卽寫書與督臣鄂爾泰計議商酌嗣接鄂爾泰覆稱如有不繼聽臣酌量料理等語伏查捐納項下公費銀兩臣未經聞奏明何敢擅自撥動可否仰懇

皇上天恩將司庫存貯捐納公費銀兩內撥動一千兩以五百兩爲預備賞賚官兵苗民之用以五百兩給

張廣泗爲行營盤費之需庶用度有資感沐

皇恩於無旣矣速行給與毋遲但爲數尚少更應添給方是臣因撫苗要務起見不揣冒昧伏候共

聖明批示遵行至官兵需用行糧臣已檄飭附近各府

聖恩州縣預備接濟在案現據張廣泗稟報八寨等處
 皇恩投誠苗民共大小苗百一十餘寨又就撫生苗共
 大小四十五寨其地界週圍約計二百六七十里
 俟編戶議糧造冊通報今即赴凱里會集料理毋
 皇土江恩帶等情理合冊併奏費銀兩內銀兩一千兩以
 聞謹

奏

覽

同日又擬兩司以銀兩...
 奏為奏辦...
 同日又擬兩司以銀兩...
 奏為奏辦...

聞事竊查黔省軍田前經工部侍郎申大成條奏令頂
 種百姓每畝上納稅銀五錢許照民間一體買賣
 過割報明布政司給以契尾執照永為已業等因
 奉

旨行文欽遵經前撫臣轉行各屬飭令將作何清查之
 處詳報到日出示曉諭尚未具有詳覆臣到任後
 隨嚴飭各屬作速查明軍田畝數并現在承種管
 業戶口姓名造冊詳報毋使隱匿遺漏又奉

旨收買黃銅器皿一案緣黔省民間多有使用紅銅器
 收買黃銅一事在滇黔二省可以不必過嚴權宜為之
 皿而黃銅器皿甚少是以收買寥寥臣恐各屬奉

行不力隨行文通飭至部定價值原據直隸各省不產銅鉛之處通爲酌定今黔省出產倭鉛其價甚賤又接壤雲南紅銅之價亦不甚高以紅銅倭鉛煎煉黃銅計算不及部價若不酌照時價恐有射利之徒多攬倭鉛私行鑄造黃銅生熟器皿交官領價亦未可定黔省雖收買無幾但錢糧關係不得不因地制宜臣隨檄行布政司查議在案俟詳覆到日臣再爲確核咨請部示又建造

先農壇廟置買藉田臣恐各屬從前或有草率辦理虛冒錢糧之弊已行令布政司委員查勘至於忠

孝節義祠宇並未據各屬報有建造者豈黔省竟無可表揚之人再如州縣額設民壯或有虛應故事冒銷工食又從前各官侵蝕賞給老民銀兩或尚有隱匿不首均未可定臣俱檄行布政司嚴查在案更查黔省礦廠稅務等項絲毫關係國課從前雖有專員管理並不委員稽察臣現在與布政使鄂彌達細爲籌畫清查謹此繕摺奏

聞伏祈

皇上睿鑒謹

奏

硃批諭旨

書

沈廷正

留心庶務甚好惟貴力行無倦

同日又

奏爲據實奏明仰祈

睿鑒事竊查黔省從前地方官遇有命盜案件僅草率具文詳報上司而上司卽據詳一批再催牌幾次嗣後任其沉擱卽各屬有將正犯拏獲詳報者多照苗民犯法之例從寬外結竟不按限審擬具

題自前歲督臣鄂爾泰到任之後仰體

皇上慎重刑獄鋤暴安良德意與前撫臣何世璜加意整頓凡苗民命盜案件不許外結各屬始知畏懼

天恩處分不敢諱匿但積案纍纍多未完結一時驟難奏(清理)容臣逐案確查俟查明幾案先行陸續具

題外再有從前實係命盜重案而首犯或久已在逃或久伏冥誅承審各官亦久已病故者或本非正盜正命原可無庸

題結者臣不敢冒昧具

題一面將輕案人犯酌量情罪發落一面將重案審擬具

題其自盡命案有情節可疑者臣務必細加根究不使其有絲毫疑竇然後具疏完結謹此繕摺奏

聞謹對其百餘案詳實悉具滿字詳盡此奏
奏其自盡命案亦詳備可最善引務必嚴賦究不
好竭力整頓務使陋習盡除刑法出入稍失其平則上
于朕一面深重案人必酒量詳異發審一面深重案審
天和不加詳慎敬謹可承朕今調爾為滇撫黔省事務毋
因暫署而存諉卸之心

雍正六年八月十二日署理貴州巡撫事務雲南

巡撫臣沈廷正謹命盜重案而首外吏八月廿五

奏為恭謝

天恩事本年七月十七日准吏部咨開奉諭一親親

上諭雲南巡撫員缺著貴州巡撫沈廷正調補欽此臣

慙恭設香案望恭摺

闕叩頭謝

恩嗣於二十五日復准到吏部咨開本年六月二十二

聖恩日內閣交出奉聖大恩恩恩恩恩恩恩恩恩恩

上諭據鄂爾泰奏稱黎平鎮遠等處一帶生苗近日聞

大風向化皆思內附現今委令張廣泗前往招撫等語

張廣泗既有化誨生苗等事其貴州巡撫事務仍著

聖沈廷正署理俟張廣泗到任後沈廷正再赴雲南新

恩任欽此亟即叩頭謝

殊批諭旨

奏

沈廷正

恩并備文飛檄新任撫臣張廣泗欽遵在案竊臣昨蒙
 聖恩調補雲南巡撫自念才庸任重倍切冰兢隨具疏
 懇恭謝 仰祈 皇上 俯鑒 聖 訓 事 其 貴 州 巡 撫 專 務 以 落
 天恩茲復荷 恩 內 擢 吏 令 委 令 兼 理 斷 簡 書 部 照 舊 帶
 皇上洪恩命 兼 署 理 黔 撫 印 務 兼 理 一 帶 坐 苗 苗 日 間
 聖恩稠疊有加無已 臣 犬馬私衷感悚交集惟有矢竭
 愚 誠 益 勵 精 白 以 圖 仰 報 容 開 本 年 六 月 二 十 五
 高深於萬一耳除另疏奏

謝外 臣謹繕摺恭謝

天恩謹南 巡 撫 員 趙 普 貴 州 巡 撫 專 務 以 落 天 恩 茲 復 荷 恩 內 擢 吏 令 委 令 兼 理 斷 簡 書 部 照 舊 帶

謝奏 題 撫

勉盡封疆職守以仰副朕委任之意可也

由同日又

奏為恭謝

天恩事本年七月十六日准吏部咨開為欽奉

恩詔事雍正六年五月初六日題本月三十日奉

旨依議沈廷正著降一級從寬留任沈廷正任內處分

之案甚多朕俱開恩寬宥者因伊前任福建布政使

任內將通省錢糧倉穀未清之項徹底查明據實陳

奏朕遣楊文乾許容等前往確查始將積年虧空盡

殊批論旨

卷五

沈廷正

行清理實係沈廷正陳奏之力朕彼時不將沈廷正之奏宣示於衆者因沈廷正現爲閩省藩司恐清查之員有所瞻顧牽制且藩司專司通省錢糧凡各屬未清之項或有干涉沈廷正之處亦未可定今楊文恩乾許容等將各項清查歸結沈廷正已陞黔撫而福建藩司任內並無絲毫未清之項實屬不徇情面實心辦事之員甚有功於閩省則朕屢次加恩寬免之由理應曉諭內外知之欽此移咨到臣隨恭設香案

望

闕叩頭謝

恩竊臣一介庸愚仰蒙

皇上教育深恩數年以來凡臣前任內議處之案屢荷

聖慈寬宥雖肝腦塗地奚足上酬

高厚今臣又因前在陝西延安府知府任內失察甘泉

奉縣侵蝕老民銀兩一案部議照例降一級調用乃

天恩蒙

皇上格外之恩以臣前在福建布政司任內曾將錢糧

聖主倉穀查明據實陳奏萬一耳剝具奏

特沛殊恩將臣降一級從寬留任臣跪讀聖旨以臣無負

恩旨不禁感愧無地是今日之官實

殊批諭旨

奏

沈廷正

皇上再賜之官受服異今日之官貴
恩愈重圖報益難惟有倍加儆惕竭盡駑駘以期無負
聖主屢次矜全之大德於萬一耳除具疏奏
皇謝外臣謹繕摺恭謝并陳數事謹同內會澤發
天恩謹

奏懇恩賜
勉之莫辜屢次擢用之恩莫辱今日特降之旨若稍隨
境遷移自開懷漸則常資傳難博爾多皆可為前車之
戒試思昔日受知於朕效力於朕處較伊等厚薄輕重
相去若何不復臣子之誼當盡數十年培養之恩當報

卽以己身利害言之亦宜倍加誠敬期保克終倘或職
任有玷致損朕之聲名顏面而欲希冀袒護私恩不可
得也存諸內者竭力務一誠字復以鄂爾泰之居心行
事奉為準則而效法之庶幾可矣

同日又
奏為奏

聞事竊照廣西西隆州八達寨土目顏光色等屢行不
法侍眾拒捕業經安籠鎮臣蔡成貴統領官兵於
本年七月二十二日起程赴粵會合攻剿在案臣
於八月初一日淮安籠鎮臣蔡成貴咨稱七月二

十三日行至壩榜地方據遊擊賀成等報稱七月
二十一日職等率兵進剿已經攻到八達寨下詎
知粵西各路兵丁四山觀望不前賊兵圍繞以致
守備李文仲把總王承文并營兵二十六名土兵
十三名俱被傷身故千總袁登貞陳思儀并營兵
五十名土兵四名俱各帶傷等因移咨前來臣隨
一面咨會督臣鄂爾泰提臣楊天縱及廣西督撫
提鎮諸臣聽候遣撥官兵會合進剿一面檄委貴
西道王廷琬前往南籠督辦黔省官兵需用軍糧
並飭南籠知府協同料理在案臣思安籠鎮標下

此事

據督提二臣俱經詳悉奏聞

遊守等官俱隨鎮臣蔡成貴出師八達而南籠郡
城地方緊要不可無弁員防禦卽於臣標內派撥
馬兵六名步兵四十四名共五十名委千總王家
猷於八月初四日起程前赴南籠府駐劄以資彈
壓又查臣標左右兩營原額設馬步戰守兵丁一
千五百名內奉文抽撥長寨兵丁一百二十名外
撫臣張廣泗招撫生苗起程時帶去兵丁五百一
十名臣撥往南籠府防禦兵丁五十名今撫臣張
廣泗又調撥兵丁三百名左右兩營僅存兵丁五
百二十名省會重地現在存兵無多臣再三籌畫

召募隨之舉甚壯此等係應用之項即宜動撥司庫備用
錢糧以濟其事兩其機酌量為之但召募止於百名
內動支銀四十兩每名給銀四錢以為養贍之資
為數尚少何妨多增數名耶於此奏未到之前朕已
有旨諭湖南派調精練兵弁兩營令其學習技藝遇
正兵名糧缺出即行撥補在營伍既聽候督提撥遣
矣

城地方亦可稍資防守茲督臣鄂爾泰提臣楊天
縱俱已派撥官兵攜帶大礮前往八達進剿而安
籠鎮臣蔡成貴亦咨報於八月初一日領兵前進
會剿理合繕摺奏

聞謹

奏

覽

同日又咨請展限盤查仰祈
奏為奏請展限盤查仰祈

睿鑒事竊照巡撫新任例應於三箇月內將各屬倉糧

盤查明白造冊保

題臣抵任之後即檄飭布政司糧道遴員詳委分路

盤查在案今查淮別案

題叅之護貴陽府事定番州知州葛敬夫竟將護府

任內平糶米價銀一千八百四十餘兩內虧空銀

六百四十四兩又虧空府倉米七百五十餘石穀

殊批諭旨

空

沈延正

三十石零又定番州任內僅平糶穀一千石價銀
四百五十兩虧空無存又虧空前在貴筑縣任內
賑倉米羨百二十餘石臣現在一面繕疏續參一面
通飭各屬將州縣平糶價銀解貯府庫將府倉平
糶價銀解貯道庫俟秋成照數預先飭發領回及
時買補庶可杜侵那虧空之弊但通省地方遼濶
輻輳以葛敬夫一人而論府州縣各任內俱有虧空由
此而推則各屬倉糧果否實貯殊難憑信必須徹
底盤查始能確知實數而徹底盤查又必須寬展
限期臣不揣冒昧仰懇

皇上天恩俯照福建督臣高其倬新任盤查展限之例
於正限外再

賜展限三箇月俾得徹底逐細盤查庶倉儲有賴而虧
空掩飾之弊俱立見矣除另疏

題請外臣謹繕摺具

奏伏祈

睿鑒謹

奏

若不徹底盤查何能杜絕掩飾之弊題到有旨但諸凡
事務亦不必過於苛刻

同日又

奏爲奏

聞事竊照新任撫臣張廣泗招撫生苗一案臣於本年七月十六日已據張廣泗所報招撫過八寨等處生苗寨戶數目繕摺奏

聞茲於八月初四日准撫臣張廣泗移稱附近凱里之丹江一帶頑苗不遵化誨糾衆抗拒將情願向化各寨脅制不前七月二十四日行抵丹江枯桐隘口頑苗等施放鎗礮官兵奮勇連克隘口六處至二十五六七等日頑苗復來迎敵隨分遣官兵追

擊斃殺死頑苗數千人我兵奮勇用命受傷身故者亦一名但丹江共計百十餘寨地勢深險丁壯約有數千所當亟請大兵始可應濟機宜請於撫標

聖東內再撥官兵二百名前來等因又張廣泗寄

書云丹江苗人藐橫無忌非官兵五六千名不克

自濟用等語臣當卽一面選撥撫標官兵一面檄飭司道預備軍前應用糧石并調思南府知府吳穀

呈上專司督運其輓運糧石及公文差使往來各路必須妥設臺站始免遲悞亦行文司道查議兼委署貴陽府知府王玠協同平越營遊擊田玉前往查

勘料理又撫臣張廣泗需用盤費賞賚等項臣前

會奏懇恩批發矣如權宜料理甚是張廣泗軍

爾之前摺業經批發矣如權宜料理甚是張廣泗軍

皇上天恩動支司庫存貯捐納項下公費銀二千兩給

中如有所需當寬裕接濟俾不致拮据將朕此旨即行

發應用理應候辦也若公費不敷支用動撥正項

通知令伊源源撥取可也若公費不敷支用動撥正項

旨遵行何敢預期擅動緣此刻軍前必須用度不得

應付一面摺奏以聞仰體朕意

聖衷權宜料理隨行支布政使鄂彌達動支銀一千兩

委員齎往撫臣張廣泗行營交收並冒昧之罪伏

祈乞各臣共慎百十糾察以維國計

聖鑒鑒錄應情節謹俱備具咨文并寫書知會督臣鄂

爾泰提臣楊天縱聽候調度在案又於八月初六

日張廣泗差把總常富到省移稱丹江頑苗違梗

現在請調大兵所有一切需費為數頗繁請於司

庫公項內撥銀一千兩備用統俟事竣造冊報銷

等因臣即行文藩司照數支給把總常富領齎於

八月初七日將選撥撫標馬步兵丁共三百名委

赴軍前提臣楊天縱亦派撥官兵九百五員各委

定廣協副將蘇大有帶領前赴軍前臣謹具摺奏

聞再查辦理糧務必須委員專司其事今黔省各官多

殊批諭旨 沈廷正

聞再有護署篆務不敷委用臣先已咨商督臣經督臣鄂爾泰會疏請大旨帶前此軍前引見其詳

題請

候揀選得人陸續發往

簡發人員來黔委署補用在案如已揀選有人仰懇

皇上勅令星速來黔以便委用合併奏

聞上候

聖裁謹

奏

覽

雍正六年九月十三日署理貴州巡撫事務雲南

巡撫臣沈廷正謹

奏為恭謝

天恩事竊臣於本年八月二十六日接准河東督臣田

文鏡咨一件為誣盜屈命事內開准刑部咨會議

汝陽縣革職知縣繆之弼誣良致死褚乾一案等

因雍正六年六月十二日題十九日奉

旨依議沈廷正高文愷俱著照部議所降之級從寬留

任欽此移咨到臣臣即恭設香案望

闕叩頭謝

恩伏念臣一介庸愚才識短淺歷任以來屢有議處之

殊批諭旨

奎

沈廷正

恩於案捫心自問罪實難宥疊荷
聖主殊恩予以寬典不即罷斥

訓勵將來臣膺斯

異數方在夙夜惶恐寢食靡寧之際今又因臣前任河

南按察使任內失察之案部議降一級調用復奉

恩旨著照部議所降之級從寬留任臣跪讀之下感激

涕零不能自己臣惟有勉竭駑駘力圖報効以期

天恩無負

高厚之恩於萬一耳除另疏奏

謝外謹繕摺恭謝

天恩謹自必更勉茲赴市廛與得離教查此藉辦前來

奏各屬水質并會不八對至一兩不若深來冰難宗

於一切動靜云為處捫心自問仰首看其昔其盈日不

天不愧不怍行去自然皆是目前屢次訓旨甚明若少涉

恃恩肆志則朕諭殊為可惜耳其矢誠矢公勉力為之

同日又

奏為奏

聞事竊查黔省山高土冷每年雨水過多所以老田收

成只有七八分光景今歲夏間晴霽日久而老田

收成詢之農民據稱竟有十分之外低田有八九

殊批諭旨

突

沈廷正

分收成至新墾山田亦有六七分收成惟安順府
所屬州縣山勢更高沙石愈多是以山田收成較
聞事別府少減分數然低田仍屬豐收而老田亦與別
府無異又威寧府屬之黔西州高低田畝合算亦
有五六分收成查往年各屬山坡田地原比今歲
收成畧厚但今歲老田大收通省約計實有九分
晚稻飽滿結實其蕎麥等項雜糧俱皆茂盛目下
奏各屬米價每倉石八錢至一兩不等將來收穫完
天恩畢自必更減茲據布政使鄂彌達查明詳報前來

臣謹據實奏

聞伏祈 聖鑒 謹 奏

奏 覽收成分數米糧價值深慰朕懷

同日又 奏

奏 爲 奏

聞事竊照廣西西隆州八達寨土目顏光色等抗拒情
形業經 臣 繕摺 奏 聞 並 差 人 前 往 八 達 查 探 去 後 嗣 據 回 稱 安 籠 鎮 軍 蔡

硃批諭旨

奎

沈廷正

聞並成貴於八月初四日已抵八達隨有顏光色頭目人等屢次到營求饒等語今於九月初九日臣接聞車准鎮臣蔡成貴咨報八月二十九日會合三省官兵將八達蕩平得勝凱旋臣隨將從前派往南籠府防禦撫標兵丁五十名行文撤回訖所有官兵大捷緣由應聽督臣及提鎮二臣

題報外臣謹繕摺奏

聞再撫臣張廣泗招撫生苗一事各路官兵俱已到齊張廣泗現在調集土兵先將八達布置然後再進丹江合併奏

奏明謹肅人員內缺欠錢蘇合其諒改法升輝之數奏出辦辦員姪亦賦南親兩川雲貴兩省各領據奏八達凱旋丹江招撫各情形朕懷深慰

同日又聞苗匪滋事無以懲治中外臣等不奏為敬陳管見仰祈

睿鑒事竊臣抵任後查得黔省從前命往人員俱已挨次用完現在府廳州縣多有懸缺待

缺人之處雖委員護署未免顧此失彼當即咨商督臣鄂爾泰去後隨經督臣酌委滇省候補知縣黃宗器試用知縣曹三善曹廷襄曾紀常林璵等五

員又試用知縣盧造一員赴黔暫行委用并會疏
具將爾泰去缺酌量督用酌委或省缺詳候補黃
題仰懇 聖恩委員暫署未及兩月大缺當請咨商督
皇上簡發人員來黔委署補用在案 臣思府廳州縣員
容鑿缺固屬緊要而雜職官員有協理地方事務巡查
差遣之責亦不可一日缺少今查新選黔省雜職
人員多因路遙費難無力遠行或至中途逗遛不
即赴任所以致員缺久曠 臣愚以為嗣後貴州所
出雜職員缺在湖南廣西四川雲南附近省分應
選應補人員內按次銓補令其就近赴任較之遠

省銓補之員赴任甚為便捷但孫顯管窺之規並
無成例可援未敢冒昧具請 聖恩大兩在途又請
題是否可行伏候 聖裁 臣又請 聖恩大兩在途又請
聖裁謹 奏 三四 奏三四 奏三四 奏三四 奏三四
朕將爾此摺發交部議據該部覆稱以為不可除將部
覆發來爾看諒必亦以為然也 臣等查爾泰去缺
所奏以縣丞通判用之劉復陶等摺亦交部議俟覆到
時另降諭旨 臣等查爾泰去缺 臣等查爾泰去缺
奏同日又

奏爲奏

聞事竊臣據貴西道王廷琬詳揭署普安州事試用知縣王汝賢貪劣各款內開該州派撥民夫輓運軍糧縱令家人衙役等每米一石逐家派夫價銀三兩六錢及該州雇夫運米每石實給腳價銀二兩三四錢不等其所餘價銀通同分肥又該州所運米石竟係米穀攙雜粗糲不堪以致漢兵不肯赴領押令土兵勉強支食又該州調赴軍前經管糧石起程時勒派舖戶夫馬價銀九兩五錢又該州額設驛馬除現在三十匹甚多疲瘦不堪其餘計

匹前經委員查勘俱係現覓充點等情前來臣查貴西道王廷琬詳內雖稱據南籠府知府黃世文詳揭等語但黃世文並未通詳揭報亦未預先將王汝賢劣蹟備細稟知且所開濫派夫價舖戶等項又無受害人姓名可據其驛馬疲缺從前係委何員查驗因何不行詳報事關糾叅貪劣不得不查明證據是以隨批布政司會同按察司糧驛道移行貴西道南籠府細查確實并咨明督臣鄂爾泰在案俟該司等查報到日如果確鑿臣卽會疏題叅外所有臣批查緣由理合繕摺奏

聞謹奏伏祈聖鑒事查該藩庫錢糧關係綦重故接受交代之時最宜自當秉公確查必真知灼見後方議罰懲豈可令無辜者有冤抑耶

同日又劄因回不存籍籍事關係綦重故接受交代之時最宜奏為奏

聞事竊照藩庫錢糧關係綦重故接受交代之時最宜詳慎今布政使鄂彌達為人倜儻言語明白但素未做過外官到任以來未免諸凡疎畧不細加查察其與前任革職藩司赫勝額交代冊結准屢次

行催始據鄂彌達詳送前來臣於八月二十日親赴布政司衙門率同在省各官將存庫錢糧按號彈兌其元寶每百兩短少二錢散封每百兩有短少三錢六七分不等者內中又偶有多一錢四五分及三錢四五分不等者臣當即查問據鄂彌達云昨接受交代時止照元寶數目查點接受並未彈兌臣因司庫錢糧關係支放豈可輕重互異隨回署繕文行令布政使鄂彌達將庫貯銀兩眼同在省各官逐一較準以便復盤而鄂彌達與糧道楊永斌當即親至臣署據鄂彌達云我一向做京

官實在不諳錢糧所以彈兌時輕重不一凡有短少我自當照數補足遂取手本一箇向臣云這是舊日盤查規矩臣云盤庫乃係公事餽送規禮斷然使不得你如今身受皇恩不該仍踵舊習凡有陋規須悉行除去纔是鄂彌達將手本收回深以臣言爲是隨將錢糧彈兌補足復詳請盤庫臣於二十九日又往盤查每封元寶一箇餘皆小錠湊成一百兩彈兌足數現在將盤明正項錢糧照例另疏具題外臣聞得外面傳言云鄂彌達接受交代時爲赫

勝額所愚得過赫勝額交盤禮四百餘兩故不將錢糧彈兌遠行接受等語雖無證據而人言藉藉臣不敢不爲奏

聞又查黔省捐納一案鄂彌達所收銀兩惟聽庫官端木令儼及管捐書辦人等用民間使用貴平彈收每銀一百兩加平四兩到庫平上彈兌每一百兩實多銀三兩較從前藩司赫勝額署司趙弘本任內每貴平一百兩多收銀一兩凡捐納貢監生者庫官與書辦每名額外收使費銀六兩內分給布政使家人一兩二錢實有二兩之數餘銀瓜分如

捐納知縣每一員收使費銀二十四兩自黔省開
捐歷來如此交納迨鄂彌達到任有遠省鄉間人
交納捐銀者庫官等見其過於老實又多收使費
銀二三兩不等此等作弊庫官斷難一日姑容但
臣細思叅處庫官與鄂彌達遂有干礙且臣素蒙
聖訓凡屬員中或有小過苟可教導必須仰體平
皇上愛惜人才至意多方勸勉以觀後效況藩司係
皇上擢用大員當
簡用之時甚費
聖心是以未敢冒昧將庫官端木令儼叅處謹將鄂

彌達不諳錢糧任聽庫官及書役蒙蔽作弊情由
據實繕摺奏

聞伏候

皇上睿裁批示再鄂彌達到任之後凡有錢糧項款不
明例限舛錯之處臣俱將始末原委備細說知總
期敬謹辦理俾無錯悞而鄂彌達一經明白當即
改正惟庫官端木令儼蒙蔽一事臣屢次向鄂彌
達諄切相告鄂彌達總云庫官爲人老實回護其
非今臣不得不再爲開誠說知如鄂彌達將庫官
詳揭臣即據揭叅處倘仍固執已見臣惟有恭候

硃批諭旨

畫

沈廷正

諭旨遵行合併陳明謹

奏

鄂彌達才具原屬中平朕亦非有深知灼見而用也初因伊本部堂官雖滿漢屢經易人未有不稱其優者及差往閩省又能不辱朕命明白竣事回京復旨所以擢授今職爾其留心訪察如猶肯矢志向上砥礪操守止於不諳外任事體從茲虚心學習日久不難練達設存苟且不肖之心抑或自恃暨有懷私沽譽等疵卽據實奏聞於朕類此者原係試用朕不執定成見於胸中也

同日又

諭旨

奏爲

聞事竊臣查得前任撫臣金世揚因黔省軍需公費借

動司庫錢糧不能彌補動帑收買水銀賣價補庫

一案經接任撫臣毛文銓

奏明將水銀存抵奉

旨令金世揚作速補完嗣又奉

諭旨著落金世揚之子同伊家人清楚等因欽遵在案

除前任布政使劉師恕申大成各任內賣過水銀

價銀歸補外尚有貯庫水銀五千三百三十五擔

抵銀一十五萬九千六百六十兩零經前署撫臣

硃批諭旨

旨

沈廷正

石禮哈

題明將所存水銀分作兩次運赴廣東售賣已委普

安州知州洪奕隆赤畢營千總李士英押同金世

揚之子金昭運去水銀二千七百擔餘剩水銀

石禮哈前於離任時已據奏過尚有些須未清云云候

料運廣之項定有著落

在案至於此項水銀當日係前任布政使裴粹度

詳請前撫臣金世揚動帑收買查原委前任普安

縣知縣姚應鶴普定縣知縣何經文及前任修文

縣知縣朱齊年等經手收買其水銀價銀連腳費

繩筐等項每擔僅十五兩五錢有零而抵作二十

九兩九錢存庫雖經部議賣不足數於金世揚之

子名下追完但其子金昭等果否力能完補無由

而知錢糧關係重大豈容以暗少之價值存抵庫

項之實數而從前歷任正署布政使劉師恕等於

交代之時惟據冊開水銀卽作舊管內一十五萬

九千六百餘兩之錢糧遞相朦朧接受並不按照

彼時各官所買水銀之實價確核詳報以致暗虧

國帑歷久未清臣隨將暗虧緣由細向布政使鄂彌

達說知并行文飭查去後茲據鄂彌達查明通詳

臣現在會同督臣鄂爾泰會疏具

題伏候

皇上敕部議覆外臣謹據實奏

聞謹

奏

題明交部立案催追歸款亦屬當然朕謂此項錢糧歷經有人擔荷諒必不至虛懸也

同日又

奏為奏

聞事竊臣聞得布政使鄂彌達家人蕭大路過鎮遠府

在貢生顏致明店內住歇卽託致明買妾致明因原任鎮遠營守備李應祥有一女未字現在擇親遂暗施巧計將自己使女假作原任守備李應祥之女向蕭大說合經蕭大當面看中講定聘銀二百五十兩迨說成付銀之後被李應祥風聞此事欲行控告蕭大聞知此信遂向致明要退原聘不買此女致明輒令黨棍出言無狀將本省官長娶本省民女之語挾制蕭大而蕭大無可如何不敢索取原銀情願人財兩空旋卽私回藩署臣思布政司家人在本地買妾固屬非理但顏致明竟敢

公然設計騙銀亦屬目無法紀此等棍徒斷不可容於地方臣現在密查顏致明素日有何惡款俟查明確實臣卽據其惡款另案咨革嚴拏究處外謹此繕摺奏

聞謹

奏

此事必須兩罰方爲平允若回護藩司家人而偏究顏致明斷乎不可將此諭亦令鄂彌達看

雍正六年十一月初六日署理貴州巡撫印務雲南巡撫臣沈廷正謹

奏爲奏

聞事竊照四川雷波土司楊明義助惡不法奉

旨擒勦一案臣接准部咨卽一面飛咨督提二臣一面

委思州府知府劉泐護威寧府事大定州知州陳

嘉會等辦運軍糧該府等俱各上緊料理已將糧

石運送在案嗣緣軍務將竣所有叅將哈元生遊

擊卜萬年原領滇黔官兵在於川省交界堵截今

哈元生等奉文撤師於九月二十一日起程至賊

黨阿驢地方忽遇阿驢部落蠻賊前來抵敵陣亡

千把總蘇世爵劉雄張應舉馬玉等四員兵丁三

硃批諭旨

七

沈廷正

十餘名臣接閱報文知官兵又須前往擒剿糧務甚屬緊要隨飛咨督提二臣并差臣標千總執持令箭馳赴威寧催運軍糧並探聽確情臣又思護威寧府事知州陳嘉會現在專司糧務而威寧城守營叅將楊馥亦領兵出師威寧一切地方事宜不可不加意料理是以委銅仁府知府姚謙前往威寧借督運之名令其體察民情凡有緊要之事協同辦理臣謹繕摺奏

聞謹

奏

爾等地方吏穢闖意外事件最宜鎮靜以無事處之若稍驚惶失措不特自亂生鬼亦且搖惑兵民視聽所關甚鉅至於奏朕原可不必矯情節詞然亦以奏報詳確氣度舒徐為貴觀爾殊屬褊狹不諳大體之甚朕非訓爾作意欺隱也更勿錯會似爾無能小器非過則不及奈何爾爾之下字字皆小數骨中實與中平骨同料此同日又及別則盤查各屬官紳亦屬漸出臣等計天奏為恭繳

硃批仰祈懋勤事務務體察備

睿鑒事竊臣前因奉又

硃批諭旨

奏

沈廷正

旨調補雲南巡撫復又

命准署理黔撫事務繕摺奏謝

天恩奉有

硃批又奏請展限盤查各屬存貯倉糧緣由一摺奉有
硃批臣跪讀之下字字銘心鏤骨諸事務期準乎律例
合乎情理固不敢瞻徇廢弛以博寬厚之名亦不
敢分外吹求致有苛刻之處惟上遵

皇上至公至明無偏無倚之

聖訓敬謹辦理以圖報效於萬一耳所有原奉

硃批奏摺理合恭繳謹

奏

朕觀爾之才具卽心有餘而尚恐力不足若復不矢志
勤恪倍加敬慎更當作何底止耶

同日又

奏爲微臣恭蒙

聖訓慚感彌深謹具摺奏

謝敬繳

硃批事竊臣因在陝西延安府任內失察甘泉縣侵蝕

老民銀兩一案部議降一級調用仰蒙

天恩從寬留任臣隨繕摺奏謝今蒙

硃批諭旨

堯

沈廷正

皇上硃批教訓令臣存諸內者竭力務一誠字復以鄂爾泰之居心行事奉為準則而效法之臣跪讀

訓旨不啻躬聆并州西漢文獻內大臣甘霖提命臣自問何人仰邀

聖主成全期望之深恩至於斯極感懼踧踖莫可名狀

惟有殫心竭力不敢自暴自棄諸凡倍加敬誠效以爾之材質效法鄂爾泰正所謂醜婦效顰也自信不

疑殊屬大言不慚法督臣鄂爾泰之居心行事以圖上報

洪恩於萬一臣謹繕摺恭謝

天恩并繳硃批原摺謹

奏順引蠲糶實奏

覽

日天稟開霽自十一日麻一日至麻六日甚晏部

同日又一兩三四幾不著報效十日二十日入著

奏為奏一蠲三衣不著其籍谷畝米計每倉不八此

聞事竊查黔省每年秋冬之間天多陰雨今歲九十月兩

月以來細雨連綿晴日甚少是以各屬地方雖獲

豐收而正當收穫之時值此陰雨且本年平糶之

米各屬上緊買補還倉故米價比前稍覺增長臣

思倉糧固須速為買補而民食亦不可不仰體

皇仁因時籌畫所有本年平糶米石各屬既在買補若

硃批諭旨

全

沈廷正

皇寸將歷年存價未買之糧一時並買勢必米價高昂
再四斟酌自宜將歷年未買糧石暫緩買補俾採
買既少米價自平適據布政司及糧驛道等具詳

展限買補前來並隨據詳咨部在案但管窺之
是凡事俱相時合宜而行庶無膠固之失倉糧應如是
暫緩買補也
見未知是否伏候部日甚也

聖明指訓至現今貴陽府省城米價每倉石銀兩以至
一兩一錢三分不等其餘各屬米價每倉石八九

錢以至一兩三四錢不等昨於十月二十七八等

日天氣開霽自十一月初一日至初六日甚是晴

奏朗臣謹據實奏

聞謹

天奏

覽

同日又

奏為據實奏明仰祈

睿鑒事竊臣接准吏部咨文內開將湖廣湖南廣西等

省保舉之貢生生員馮臣烈等帶領引

見奉人員內

旨馮臣烈崔汜向志文吳士堯周京勳劉樵丁膺策陽

造極陳齊襄吳鳳林命往貴州交與該督撫以知縣

殊批論旨

全

沈廷正

以下等官酌量委署試用魏琛著以訓導用欽此臣
查照舊章向志文吳士英周東燠潘淵丁觀榮等
命往人員內有陳齊襄係臣女婿今臣雖荷

聖恩調補雲南巡撫但現在署理貴州巡撫事務查翁
睿望疇原無迴避之例而誼屬至親諸凡誠有未便伏

懇

皇上格外洪恩將臣婿陳齊襄

命往別省委署試用令其效力則仰戴

天恩於無既矣臣謹繕摺具

摺奏伏祈

睿鑒謹

奏

黔撫印務爾係暫署所謂在日京兆耳乃故為避嫌之

舉瑣瑣煩瀆殊屬不曉事之極

奏為奏員與土儲善於一同知

聞事竊臣准原署貴州撫臣祖秉圭咨稱秉圭在署巡

督撫任內奉有

御賜地理全圖大小十軸當即叩頭祇受嗣秉圭聞詔

丁憂將地理全圖攜帶歸旗後始知降三級調用

殊批諭旨

全

沈廷正

又接閱邸抄奉 旨朕所賜各省督撫提鎮等地理全圖出自特恩如該督撫提鎮等有陞轉他省及予告回籍者許其攜帶前往其革職降調者不許帶回著留在本衙門交與接任之員與上諭等件一同敬謹收貯欽此所有欽賜地理全圖理合專差家人齎送查收等因到 臣 臣 隨將齎到

欽賜地理全圖大小十軸恭設香案望闕叩頭查明與從前交代之書諭等件一同敬謹收貯除繕疏

題明外謹具摺奏

聞謹

奏

似此既經具題事件何必又多一番瀆奏揆汝之心但求於已無過而已至於朕之煩勞毫無仰體之誠可謂庸愚無識之至

雍正六年十二月二十六日署理貴州巡撫事務

雲南巡撫 臣沈廷正謹

奏為奏

聞事竊 臣前蒙

硃批諭旨

全

沈廷正

皇上天恩命臣署貴州巡撫事務伏讀

上諭俟張廣泗到任後沈廷正再赴雲南新任欽此遵奉在案今接撫臣張廣泗來書云丹江等處事務既竣其上下九股俱經就撫卽清水江一帶節據鎮遠府稟報向化者已多惟黎平之古州一處雖宣導在先現俱寧帖而地廣人衆猶須親身一往布置但黎平寫遠非如凱里都勻之尚近省會兼之丹江八寨諸凡善後圖維尤關緊要擬於正月初間暫回省城再當星赴黎平等語臣思丹江生苗業經就撫今撫臣張廣泗既定於正月初間旋

省俟屆期臣理宜欽遵

諭旨將印信等項交代明白卽赴雲南新任但張廣泗又有到省後再赴黎平料理之說臣現在寫書請教督臣鄂爾泰如督臣以臣必須送印起程臣俟張廣泗到省卽將印信等項及一切事宜交代明白恭疏

題報前赴雲南新任如督臣別有商酌臣自當聽其指教另摺奏

聞至督臣鄂爾泰爲人正直公忠其居心行事悉皆報國愛民無偏無私實爲人臣之表式數月以來臣事

鄂爾泰亟當努力效法者其學問識見非一時勉強所能至其居心人皆可能但在昔奮勉與否耳汝等諸臣良多惟有朝夕黽勉效法其居心行事以圖報答心行若不能如是而欲望朕如是隆重信任必無是理也

奏伏祈

睿鑒謹

奏

張廣泗既於黎平古州有尚須親往布置之處則爾自應仍留黔省署理以待事竣但督臣鄂爾泰又有來黔與金鉞面議之事滇省亦不可無人滇黔一省或去或住之處與鄂爾泰熟商妥議而行可也

請同日又欲呈口受

奏為奏請獎必民為警營保衛以引愚良自勵科載聖裁事竊惟前歲之亂今一旦又

龍神專司雨澤福地而思即昔謂崇德貴祿齊獻士

國佑民欽奉簡習稽古考之聖訓於以禮備五

諭旨令各省督撫迎請供奉本地虔誠展祀仰見其聖主愛民重農之至意前撫臣何世璜接到大學士富

謙寧安等寄書內開可於巡撫衙門相近擇吉方潔

淨之處建屋數間以為祠宇等語彼時因巡撫衙

門左近並無可以建祠之地適署前東南隅昔曾

建明臣王守仁書院一所號爲陽明書院遂興
工修葺改作_{以爲}龍神祠宇供奉虔祀將王守仁牌位另置
福黔潤澤龍神祠宇供奉虔祀將王守仁牌位另置
他所臣查王守仁謫爲貴州龍場驛丞時著書立
說講明聖賢之學化民牖俗黔之人士無不被其
教澤咸知誦習詩書臣考之記載訪之輿論王守
仁實屬有功名教而陽明書院素爲貴州省城士
子瞻仰誦讀之所今一旦改爲
龍神祠宇勢必另爲經營創構以_臣愚見自應特建
龍神專祠始足以妥

神靈而昭誠敬臣前與司道等在於省城看有龍井
春鑿泉地方一處甚是潔淨且與巡撫衙門亦屬相近
概此約需工價銀三百餘兩即可於此處建造祠宇數
素間供奉

龍神將此祠宇仍作陽明書院不特彰王守仁牖民
講學之功而衆士子亦得在內肄業一轉移間
神人胥悅莫不感戴

皇恩於無旣矣是否可行伏候
聖裁批示謹

奏

殊批諭旨

矣

沈廷正

此舉是當妥協之至前任所辦大錯矣且觀前此改作
或有私意存焉何也何世璠素乃留心理學儒臣伊等
皆各立門戶互相是非命以陽明書院改爲龍神祠若
云無心之失何錯悞竟至於此然一切不必究論但俯
順輿精料理爲是宋士于衣器器內製茶一轉運開
舖何日又斷宇於亦則則書到不許漳王守二鳳另
奏爲恭繳

硃批仰祈工部題三百額由何外此數數設陳守禮
睿鑒事竊臣前奏布政使鄂彌達初任外官不諳錢糧
輒盡摺奉到部臣前與同商善其然亦臣亦請其

硃批臣遵查布政使鄂彌達先因諸事生疎偏執已見
迨臣屢次開誠相告而鄂彌達恍然明白已於九
月十八日將庫官等所得捐納陋規槩行革除勤
加稽察杜絕弊端近日辦理一切政務雖比從前
留心然尚多不諳凡與臣商酌者臣無不備細說
知務期情理允協不致錯誤倘從此果肯黽勉自
勵誠如

聖諭日久不難練達矣若鄂彌達不仰體
聖懷存私沽譽臣自當據實奏
聞不敢爲之諱飾也所有原奉

硃批理合恭繳謹

奏

知過能改則無過矣果肯虛衷學習何事不可漸諳但當據實奏聞不必爲之隱飾

雍正七年正月十六日雲南巡撫臣沈廷正謹

奏爲奏

聞事竊臣於上年十二月內因撫臣張廣泗寄書云丹江事務既竣定於正月初間旋省之後再赴黎平料理臣隨將應否移交印信前赴雲南新任緣由寫書請教督臣鄂爾泰嗣准覆稱新任既到送印

自屬正理等語准又准撫臣張廣泗咨稱於正月十七日抵省到任是以臣將印信等項於正月廿一日照例委員齎送撫臣張廣泗接受任事准即奏於十七日起程前赴雲南巡撫新任除另疏題報外謹繕摺奏

聞至於臣在署貴州巡撫任內事無鉅細俱皆請教督臣鄂爾泰商酌辦理所有現在檄飭司道查議未經完結各緊要案件今臣起程赴滇俱已備文咨明撫臣張廣泗酌議辦理矣理合一併陳明謹

奏

爾署理黔撫一任頗稱盡職可謂不玷委任勉之勉之
身膺封疆重寄於地方無事時自當謹守倘遇有應行
料理處須將智識局量再加擴充遠大庶免狹隘之弊
此又在汝審度量力而爲非朕所能強者張廣泗雖經
擢授全職朕尚未與謀而爾觀其人以爲如何曾請旨

賜同日又辭謝表

奏爲恭報大捷仰祈 伏雲南邊疆肅清升創民

睿鑒事竊臣前因擒勦四川雷波土司楊明義等案有
領兵叅將哈元生等在川省交界地方堵截於撤
師之時被阿驢部落蠻賊拒敵官兵率隨委員辦

運糧務及督臣鄂爾泰遣兵進勦緣由繕摺奏

聞今於本年正月十二日據雲南元江協副將哈元生
報稱所有阿驢者呢等犯前經就縛而賊首拉金
父子四人並家屬已於十二月二十四日拏獲奉
鶴麗鎮張總兵諭令撤師隨於二十七日帶領官
兵起程回營等情臣伏思我

皇上天威遠播至仁廣被是以各路猥苗悉皆蕩平使
姦頑頓除善良歸化凡屬臣民共享

聖世昇平之福於無旣矣謹將大捷緣由繕摺奏

聞謹

殊批諭旨

允

沈廷正

奏

朕於凡事非有奇謀異策惟虛心順理仰承

天地神明之錫佑並我

皇考之垂庇耳然每有所指授俱幸成功卽此推之汝等

封疆大吏但能以忠誠之心對越

上天未有不邀福之理何必皇皇爲一身榮辱利害計耶

鄂爾泰實能如此當竭力效法之

雍正七年二月十九日雲南巡撫臣沈廷正謹

聞事竊臣仰蒙

奏爲奏

皇上天恩調補雲南巡撫已於本年二月初一日抵任

所有一切地方事務臣俱請教督臣鄂爾泰而鄂

爾泰公忠爲念無不開誠指示且精神甚好娓娓

不倦臣受益良多茲督臣因有盤查貴州藩庫并

經理苗疆及廣西地方事宜於二月十八日起程

前往貴州矣臣膺斯重任惟有遵守督臣鄂爾泰

良規夙夜黽勉以圖上報

聖恩於萬一耳再查滇省地方上年收成頗獲豐稔今

值東作方興於二月初九日得雨二十四日舉行

耕藉後又得雨澤二十七日夜間得雨霑足豆麥

可望豐收此皆我

皇上誠敬昭格宵旰勤求是以邊末遐方均蒙

聖澤臣謹繕摺奏

聞謹

奏

所奏知道了

能自知是一庸平材質在已常思勤以補拙事上惟務
不欺不隱庶可循分供職非朕獨私於汝而過任之督
撫中似汝不勝任者尚不可枚舉人為才限亦屬無可
如何之事若更行不符言少涉欺隱則常賚博爾多傳

飛等皆可為前車之戒如能效法鄂爾泰十分之一即
一生用之不盡但恐器小不能大受是在汝之自勉自
進也

雍正七年五月二十一日雲南巡撫臣沈廷正謹

奏為奏

聞事竊據大理府城守營遊擊姜忠臣稟稱有本營兵
丁金貴於本年三月十六日在街場拾得銀五兩
不肯挾歸守候失銀之人尋認隨有賣鐵鍋之趙
忠福因失銀呼號金貴查詢明確當將原銀交還
不受謝禮又據威遠同知章元佐詳報有陝西人

馬伯倫王國輔江西人蕭五同至威遠地方於本年三月十九日用朦汗藥將江西客商蕭維先叔姪迷昏攫取銀兩旋即盤獲一案有威遠賣煙小販彭士奇於三月二十六日在獲賊處所拾得銀一包計六十兩赴該同知衙門投繳查係馬伯倫遺失贓銀士奇並無絲毫隱匿等情臣查兵卒農民拾金不取克敦廉節此實

聖朝教化遠被是以各省尚義之事接踵而見隨寫書通知督臣鄂爾泰去後今覆稱前有廣南兵丁李應芳拾得生員羅國榮聘銀交還却謝據報即行

獎賞以偶見一事尚未具

奏今大理營兵金貴不取遺金威遠烟販彭士奇拾

贓投繳遠方兵民尚義輕財實皆

聖德感孚所致除獎賞外理應一併奏

聞等語臣謹據實奏達

聖聰伏祈

睿鑒謹

奏

據鄂爾泰奏聞已有旨矣

同日又

奏爲奏

聞事竊查滇南各屬麥豆收成分數臣據布政使張允
隨詳報前來據開昆明嵩明尋甸阿迷通海定邊
等州縣二麥收成有十分并有倍收之處蠶豆俱
收成十分又宜良南寧新興永平雲龍鎮沅等府
州縣二麥收成有十分蠶豆收成九分其餘各屬
二麥收成亦俱有十分蠶豆收成俱有八九分不
等更喜五月十一日起至十九日連得透雨民間
栽插滋培均屬有賴惟據曲靖府屬陸涼州具報
有馬廠一處於四月十六日因上流河水泛漲將

麥穗淹浸等情臣隨委曲靖府知府劉斌馳赴確
勘情形并令查有實在貧民酌給倉穀加意撫恤
去後茲據回稱馬廠田地通計三百餘頃向係牧
馬之所其地勢最低每值收麥後至五六月間凡
曲靖所屬霑益馬龍等州河水泛漲悉皆滙歸馬
廠今歲因有閏月節氣稍遲麥穗尚未收穫忽於
四月間發水致淹田地二百三十七頃有零尚有
未淹田地一百餘頃俱獲十分豐收在被淹小民
咸稱馬廠田畝甫經承認耕種

題報輸糧今旣被淹無從辦納惟求免徵本年糧銀

不敢具領倉穀等情臣查陸涼州馬廠田畝百姓承種方新偶值淹浸糧無所出是以籲懇免徵本年糧銀實係小民下情臣仰體皇上惠愛邊黎至意隨同在省司道商酌若照分數具題蠲免無幾可否恩施格外將馬廠被淹田地應輸本年糧折銀一千餘兩免其徵收在於藩庫備公存剩銀內撥補完項其未淹田地應完糧銀仍令百姓照數輸納毋許冒濫請免是新陞糧銀既有項可補而承種馬廠小民咸得沾沐

聖澤且通省豐收惟一馬廠被淹又可免於

題達臣業經寫書請教督臣如鄂爾泰以臣所議為

是當即一面另摺奏

聞一面照此辦理如必須將被淹分數

題報臣亦即會疏具

題為此謹

奏

當日正因地非沃壤所以作為馬廠也照汝所請料理無庸會疏題報

同日又

奏爲恭繳

硃批仰祈

睿鑒事竊臣前在署貴州巡撫任內聞撫臣張廣泗白

奏軍前抵省臣應否赴雲南新任緣由繕摺具

奏奉有

硃批又奏請另建黔省

龍神專祠緣由一摺奉有

硃批臣跪讀之下不啻躬聆

聖訓感深肌髓至督臣鄂爾泰之學問識見迥非尋常

聖訓可比此實上有

亦有昧知人之明而誤用者指不勝屈覽汝此奏殊增
聖主之知人善任斯下有督臣之效力宣猷也臣在貴

慚愧

州署任及抵滇以來事無鉅細俱請教督臣鄂爾

泰而鄂爾泰無不條分縷析向臣說知今鄂爾泰

雖暫往黔省臣亦事事寫書請教均承詳細指示

臣得遵循辦理但自揣器小才庸惟有犬馬愚誠

時時對越

聖主竭力效法督臣鄂爾泰之居心勉圖報效以仰酬

我

皇上造就微臣之

洪恩於萬一耳所有黔省另建

硃批諭旨

奎

沈廷正

共龍神專祠臣欽奉 鄂爾泰并寫書與貴州撫臣張廣泗
遵照辦理矣敬將奉到

硃批原摺恭繳謹

奏

勉爲之母令朕抱誤用之慙也

雍正七年六月十八日雲南巡撫臣沈廷正謹

奏爲恭逢

盛世嘉徵日華與慶雲並耀事竊照雲南省城於本年
六月初十日巳午未三時日光炳耀五彩繽紛更

有慶雲捧護山川城郭映照輝煌隨據司道府縣
紛紛稟報前來臣登署中平臺仰視不勝抃舞欣
慶而十二日巳午二時又復呈現與初十日煥麗
無異實屬千載難覩之嘉徵亘古罕見之祥瑞臣
叨任邊方恭逢

上吉雖

聖主不言瑞應但臣等既有所見何敢不敬陳

黼座除寫書通知督臣鄂爾泰外謹據實奏

聞并繪圖恭呈

御覽再應否與督臣會疏具

硃批諭旨

矣

沈廷正

題伏乞 否良替引會煎具

皇上批示遵行合併

麟奏明謹

奏

於鄂爾泰奏摺內已批有諭旨矣

同日又

奏爲奏

聞事竊本年五月二十八日臣據曲靖府知府劉斌詳據南寧縣報稱五月二十一日夜間天降大雨山內起蛟發水以致東北二鄉衝決圍堤四十餘圩

秧苗被淹近堤房屋亦有倒塌人民幸無損傷等情臣因督臣現在黔省一面寫書通知一面批令布政司飭委澂江府知府王鐸星馳前往率同該縣親履查勘并動給司庫備公銀五百兩及常平倉穀令將實在被淹小民酌量輕重分別賑恤去後又據南寧縣稟稱東北二鄉地勢原屬低窪今被淹之田約有一萬餘畝倒塌民房約有二百餘間幸天色晴霽水漸消退高阜田禾尚屬有望等語臣查該縣所報偶值起蛟發水其是否成災雖尚未據該委員確勘造冊具詳但被淹田畝係久

經輸糧老田是以臣會同督臣鄂爾泰先將被水情形照例報明果否成災再行題明謹
題報俟勘明果否成災再行
題明謹
查明被水情形加意撫恤題本亦經到部矣

雍正七年七月二十九日雲南巡撫臣沈廷正謹

奏為

聖朝恩威遠播遐方慕義輸誠恭摺奏
聞仰祈

睿鑒事竊據元江府知府遲維璽報稱臨元鎮邱總兵自思茅地方寄書云接到老撾國南掌那管息孫緬文內云其為對聯其始稱其始稱其始稱

天朝皇帝聖明風調雨順南掌沾恩特遣使貢象二隻乞轉達等語臣查老撾國即古之越裳氏自成周朝貢以後歷數千年史不多見茲不煩兵威不須招致一旦聞風慕義恭進方物此實我
皇上德威遠播超邁百王是以使從未歸誠之遠域梯

航重譯效順
王朝也臣敬體
殊批諭旨

殊批諭旨

矣

沈廷正

聖主加惠遠人懷柔萬國至意卽與布政使張允隨商
議動支公項銀兩酌備紬緞布疋委令知府遲維
皇上璽齋往思茅交鎮臣邱名揚從優賞賚并查遲維
璽攜帶供給銀兩沿途加意料理照例伴送使臣
來省臣臣將此情由寄書黔省通知督臣鄂爾泰
去後正在繕摺間今又接鎮臣邱名揚來札云該
天時國所貢田象因途中水土不服行至關坪等處相
繼病斃使臣甚爲惶懼但其誠旣著其物原可不
問且牙骨猶存表文具在仍卽遣員慰賚伴送來
省望省等語臣復又通知督臣俟使臣到省之日統聽

督臣會疏 謹 幸 陳

題報外理合繕摺奏 啟 職 補 引 去 對 噴 外 十 日 既 三

聞 謹 爾 阿 木 總 發 表 而 因 隨 開 有 辦 新 表 計 五 圖 於 今

奏 二十 正 太 又 十 日 既 三 日 有 新 表 計 五 圖 於 今

覽 呈 貢 富 引 錄 平 等 概 傳 以 示 其 誠 實 與 否 臣

鄂爾泰亦經奏聞矣 人 員 以 示 誠 實 與 否 臣 亦 經 奏 聞 矣

同日又來 奏 爲 奏 謝 辦 用 烟 食 禮 敬 冊 具 詳 請

奏爲奏謝 辦 用 烟 食 禮 敬 冊 具 詳 請

聞事竊臣前因曲靖府屬南寧縣東北五鄉偶值起蛟

發水田畝被淹業將委員查勘緣由繕摺奏

殊批諭旨

允

沈廷正

聞并將情形繪冊業經委員查勘詳報在案茲據布政司詳據委員激江府知府玉鐸
奏等將勘明被淹田畝分數造冊具結請
題蠲免前來臣現在與督臣鄂爾泰會疏具
題外再滇省今歲入夏以來雨水過多據晉寧宜良
呈貢富民新平等州縣并楚雄府陸續稟報六月
奏二十五六及七月初一二等日各該地方連值暴
雨河水驟發近河田畝間有被淹等情臣隨批令
該司道委員確查并通知督臣去後即於七月初三
日設壇祈禱幸賴

聖主精誠默孚上格
穹蒼晴光即行呈現雨水漸稀至初六日雲開日朗天氣
大晴據楚雄等各該府州縣報稱數日之內積水
盡消田禾並無妨礙等情到臣伏思滇省地處高
阜山田十居七八故從來雨水畧少即不能遍施
栽插今歲高低田畝悉行播種雖窪下之區偶有
被淹然亦旋即消退惟南寧東北二鄉地勢最低
積水不能盡消其餘各屬早稻業已結穗晚稻現
在吐花雜糧亦皆葱鬱而元江鎮沅兩府因天氣
較別屬炎熱故早稻現已豐收合併據實奏

聞謹 坤維風災 據前 奉 旨 欽此

奏 鄂爾泰暫離滇境地方上即疊報小災斯豈無因而至

歟汝若不知愧懼則非具人心者矣似此徵應之理昭
如影響朕實為之凜然汝等受封疆之重寄內省二字
當時刻勿釋懷抱

同日又

奏為奏

聞事本年七月二十八日據大理府城守營遊擊姜忠
稟報大理城內於七月十四日戌時起至十七

日連次地動趙州城內亦於十六日亥時地動兩

處城堞哨房及素有欹斜之居民房屋倒塌數處

并損傷大小婦女二口等情又據永昌道及大理

府趙州各稟報地動日期俱與遊擊姜忠臣所稟

奏相同臣隨批司委員確勘情形並動支司庫備公

銀兩將倒塌房屋損傷人口之處照例賑恤在案

又接得提臣張耀祖來札云自七月十四日至十

七日偶然地震即與永昌道設壇齋戒祈禱十八

日至二十一日遂安靜寧謐不復震動等語臣伏

思滇省四境皆山無通江大河以洩地氣故父老

殊批諭旨

百

沈廷正

人等咸稱地震之事歷來恒有且余地動非雍正
二年地震可比除寫書通知督臣鄂爾泰併俟委
員勘明覆到之日另行旨諭著鄂爾泰派員十八
奏報外理合據實奏陳來牒云自本月十四日至十
聞謹將兩湖地震災區計數人口之數開列呈案
奏請同部酌量此後委員勘明並據支回軍餉公
值茲秋賦所各稟請此據日與具與該舉姜忠臣泐稟
上天垂示災異毫無愧懼不知修省乃謂為恒有之事汝
若似此無忌憚居心必至不克有終將朕此諭謹誌勿
忘若不痛自刻責盡消鄙陋存心不信不長之心則

增一分自障自礙也試體驗看

同日又

奏為恭繳

硃批仰祈

睿鑒事竊准前奏自貴州起程抵雲南巡撫新任日期

并雨水情形一摺恭奉

硃批訓勉以常資博爾多傳勳為前車之戒如能效法

實鄂爾泰十分之一即一生用之不盡欽此伏念臣賦

質庸愚才識淺薄屢蒙

皇上諄切教誨勉其不及策其將來惟恐非木石寧不

硃批諭旨

頁

沈廷正

皇上自知是以抵滇以來早夜黽勉時深恐懼今復蒙
皇上硃批垂誠言言金石切中臣弊臣敬遵
寶訓刻骨銘心惟有矢竭愚誠效法督進鄂爾泰之
將此無以仰酬我朝爾冬斬擒禽前車之戒收銷效去
聖主教誨之洪恩耳所有奉到
硃批理合恭繳謹自貴州跋跋赴雲南派辦蘇升日
奏

同日又

會奏為恭繳自滇山片摺覽

硃批仰祈
睿鑒事竊臣前因官兵擒獲阿驢部落賊首隨將大捷
撤師緣由繕摺奏

聞奉到
硃批伏惟我

皇上宵旰靡遑念念感孚

天地勵精圖治事事推本

聖祖是以天縱其衷以圖

天眷彌隆遠邁千古臣謬任封疆雖才識庸陋未能仰報

涓埃而忠

硃批諭旨

三

沈廷正

天 聖 天

君親土之大義臣實最諸寤寐勵諸終身茲蒙
聖諭垂跪讀之下倍深感惕惟有勉力效法督臣鄂爾
蘇長泰矢竭丹衷以圖報
聖主屢次教誨之恩於萬一耳謹將原奉
硃批恭繳謹
奏

朕非好為是頻頻訓諭也所諭者又無非此數語然朕
之所以不憚煩者蓋恐下愚不移之質漸摩匪易而人
情又每於熟處難忘故於汝時加提撕儆覺耳倘能觸
目動心努力向是處立定脚根則汝之福祉未艾而於

朕用人顏面亦有光也勉之但捨己之短法人之長甚
屬難事莫作容易看

雍正七年八月二十日雲南巡撫臣沈廷正謹

奏為恭繳

硃批仰祈
睿鑒事竊臣前奏恭繳

硃批摺內奉到
硃批朕亦有昧知人之明而誤用者指不勝屈覽汝此

奏硃增慚愧欽此仰惟我

皇上聖明天縱行政用人超軼前古是以小廉大法吏

硃批諭旨

頁

沈廷正

皇聖治澄清卽有改易操行不實心奉職者乃其自甘
奏暴棄而於

聖主知人之哲無與也臣伏讀

硃批自揣不勝惶悚所幸督臣鄂爾泰學問深邃才識

睿鑒超羣諸凡地方事宜臣無分鉅細逐一請教承督

臣開誠指示婉轉周詳臣又見其開闢苗疆撫綏

奏軍民諸務人皆視為艱鉅難能者而督臣調度得

宜速奏厥功使從來頑梗之苗民俱輸誠納賦樂

附版圖此實古名臣中所罕見者至其肅清吏治

此等勲績人皆可能非名臣中所罕見之事無如諸臣
惠愛民生寬嚴各得其當於小心謹慎之中具見

臣不肖盡力為效
公忠體

國之誠皆我

有鄂爾泰其人朕則易知即能善任如汝等輩朕亦易

知但不可謂之善任耳奈何之明鑒也臣仰沐

殊恩畀任滇南獲與督臣朝夕同事得領教益凡素日

鄙陋拘泥之見漸覺開豁但臣自知器小才庸雖

出如書
求

此可不必但將鄂爾泰所勸導語中約取一二句心悅

皇上於批發督臣鄂爾泰奏摺時再令其悉心教導微

誠服臣俾日有進益造就成材則感戴
聖慈於無既矣所有奉到

硃批諭旨

夏

沈廷正

殊批理合恭繳謹啟

奏

覽

雍正七年十一月初七日雲南巡撫臣沈廷正謹

奏為奏

聞事竊滇省自本年六月十五日以前日華慶雲瑞應

未恩俱經督臣鄂爾泰同臣會疏

皇題達嗣據布政司詳報烏蒙府於十月初九日擇吉

營建

萬壽亭闔郡文武兵民仰見日麗中天彩雲捧護歷午

皇上未申三時至初

皇以苗疆見此慶雲莫不歡欣踴躍感頌

皇仁又臨安府屬之新平縣於九月二十八日皎日當

空旁繞五色慶雲經卯辰巳時等情到臣臣已

據詳會同督臣現在恭疏具

題外又本年八月內大理武定兩府地方山間俱產

有靈芝閏七月內大理府屬趙州詳報白崖地方

仙女莊蝦蟇口兩處地湧醴泉二股可以灌溉雷

鳴田畝有益民生臣隨批司道會勘去後茲據覆

稱委員勘明仙女莊蝦蟇口兩處相隔二里並出

殊批諭旨

真

沈廷正

禮泉且蝦蟇口於其報後九月內泉傍又湧小泉
兩穴匯入太泉分流滙注惠及七村等情謹按
書史昔時雖有禮泉未必有益民生可濟農功今
所湧禮泉實為從來未有之祥瑞要皆我輩此
皇上宵旰精勤至誠昭格是以天雨霖霖式山間
天不愛道義會同稽顙具

地不愛寶瑞應頻仍萬姓蒙福黃童白叟無不踴躍稱慶

皇恩臣身任封疆屢蒙
皇上提撕微誠遇此嘉徵疊見惟有益加敬謹勉盡厥

職以圖涓埃之報於萬一耳除會同督臣鄂爾泰
恭疏

題報外理合一併奏

聞謹

奏

滇省此數種祥瑞與爾毫無交涉實係鄂爾泰忠誠感
格之徵應朕亦不居也莫存無恥之念

同日又

奏為恭繳

硃批仰祈

硃批諭旨

睿鑒事竊臣前因南寧縣起蛟發水被淹田畝照例

題蠲又因滇省今歲入夏以來雨水過多晉寧宜良

等州縣近河田畝間有被淹隨繕摺奏達

聖聰今奉到

硃批臣伏念

天人感格之理昭然不爽督臣鄂爾泰公忠體

國克著勲猷是以滇省數年來時和年豐兆民樂業

今歲督臣因公赴黔暫離滇省卽蒙

上天垂示小災實臣敷政不能上格

蒼穹所致故前於祈禱之時夙夜惶懼痛自刻責茲復蒙

皇上諄諄告誡臣雖愚鈍若不更加敬畏時刻自省則

固犬馬之不若也所有微臣謹遵

聖訓銘勒情由理合繕摺奏

聞併繳

硃批謹

奏

魯論云君子有三畏可見畏之一念時刻不可去懷果

能如此日久無間

上天神明自有照鑒爲人爲臣之道畢矣

同日又

硃批諭旨

頁

沈廷正

奏爲奏

聞事竊臣前准戶部咨文欽奉

諭旨各省地方每銀一兩止許換大制錢一千文不得過一千文之外等因欽此臣伏查滇省出產銅鉛設爐鼓鑄且將鑄出錢文運送他省易銀歸本原與別省不同故向來錢價每銀一兩換大制錢一千四百有零及一千四百餘文不等不惟官運無虧本之虞卽民間日逐零星使用購買薪米食物等項亦稱利便昨部文到時臣恐市肆貿易價值不能卽隨錢價低昂彼時督臣鄂爾泰因公在黔臣

正與布政使張允隨商酌間適督臣亦寄札藩司囑令因地權宜暫緩出示臣又寫書請教督臣覆稱滇省厥有銅鉛開局鼓鑄原與他省不同等語及督臣回滇臣復面爲斟酌督臣云現在民間錢價已經漸次昂貴今且暫緩出示將來自然歸到每兩一千之數旣得上遵

諭旨又可下便民情因地制宜似爲妥協緣事關錢法理合據實奏

聞謹

奏

朕諭蓋爲直省通盤大局而發也其間斟酌損益全在汝等因地制宜而時措之此事若依汝庸愚之見自必但以遵旨爲然拗直作曲削方爲圓勉強驅迫以圖集事而時勢之經權民情之便否概置不論矣朕之所以信重鄂爾泰田文鏡李衛者正在此等處百凡但聽督臣指示而行未有不合朕意之理較汝等庸才迎合之道迥異似此以一是字求合故羣工胥莫能及三臣之秉公順理不事迎合所謂能盡恭順之大者也其勉力則而效之

同日又

奏爲恭繳

硃批仰祈

睿鑒事竊臣前奏恭繳

硃批一摺奉有

皇上訓諭伏念臣以駑駘下質蒙

聖主頻賜教誨期望成材又

諭臣竭力效法督臣鄂爾泰俾有進益臣每念

高厚隆恩不勝感激涕零至捨己之短法人之長誠如

聖諭實爲難事以督臣鄂爾泰之學問經濟臣雖竭力

效法欲得其十分之一尤非容易是以臣不但事

無鉅細請教督臣且復再四懇請督臣將臣素日

聖諭弊病指出規誠以便改勉而督臣見臣誠懇諸凡似汝庸材仍未解鄂爾泰同任封疆不便直言之意朕

高以數語警曉之令汝明悉如鄂爾泰乃係為國家做

官沈廷正係為沈廷正做官此所以一人有背壞之分

也根本處見未透枝葉邊縱千萬言亦講不備汝自言

切中汝弊猶屬醉鄉說夢不但未解鄂爾泰之意即朕

誦汝局淺量狹之意亦未能領會也誠欲力改弊病惟

務本毋逐末而已

聖言至明至當臣銘刻肺腑知今日督臣之言誠上合

我

皇上之訓旨也惟是臣自問何人蒙

皇上屢次諄切教導即寤寐飲食實多感愧臣雖至愚

至鈍寧不觸目警心益加努力向是處立脚以期

無負我

皇上生成造就之恩於萬一所有奉到

硃批理合恭繳謹

奏

朕拭目以觀汝之勉勵也

同日又

奏為恭繹

硃批諭旨

草

沈廷正

聖訓微臣愧悚難名敬繳

硃批仰祈

睿鑒事竊臣前因大理府城并趙州城內於七月間地
動隨繕摺奏

聞奉有

硃批臣當卽免冠叩首惶悚愧悔流涕自責望

闕謝

恩伏念臣蒙

皇上天恩拔置巡撫身膺重寄不能上感聖
天庥以致大理府并趙州兩處地動臣初接該府

聖主五內凜惕戰懼恐惶日夜引咎自省以冀感格

蒼穹乃繕摺之時未曾將臣愚悃寫入竟將滇省俗傳以

地震之事爲歷來恒有等語繕寫摺內罪實難追

今蒙

皇上諄諄教誨提撕警覺臣惟有謹誌

聖訓不敢以無忌憚居心痛自刻責益加信畏以仰副

我

皇上教誨成全之恩於萬一耳合將原奉

硃批恭繳謹

奏

硃批諭旨

聖

沈廷正

從來小人但知畏威畏害畏貧而已此外則恬然不以
為意不如是聖人何以言小人而無忌憚耶正為其不
當畏而畏當畏而反不知畏也合陳恩奉

雍正八年三月二十一日雲南巡撫臣沈廷正謹

聖奏為恭繳無忌憚臣自陳貴益賦計畏以申幅
硃批仰祈慈鑒欽此欽此欽此欽此欽此欽此

睿鑒事雍正七年十一月二十日臣齋摺家人回滇恭

捧讀之車為想來而計善語慈恩內罪實難宣

皇止硃批原摺未扣濕叩頭跪誦仰蒙我寬宥谷轉以
聖主萬幾之餘訓誨微臣叮嚀剴切臣受此莫測慈

殊恩彌深感悚雖肝腦塗地難答隆恩臣部正計臣夙

高深惟有欽遵幸而得蒙

聖諭將督臣鄂爾泰教導之語實力勉勵俾愚陋漸開

稍竭犬馬之報於萬一耳敬將奉到對然贊謝

硃批原摺六扣恭繳謹

奏

實力勉勵與否在汝捫心自謙仰

天不愧耳奏真省幾赴事官一職奉旨

同日又

奏為恭繳

硃批諭旨

聖

沈廷正

硃批仰祈

睿鑒事竊臣前奏滇省疊次瑞應一摺奉有

硃批又奏滇省錢法事宜一摺奉有

非遲鈍也總為私心蒙蔽所

硃批伏念臣賦質愚蒙見理未能圓通遇事遂多遲鈍

致耳此所以遠不及鄂爾泰田文鏡李衛三臣能盡恭

恭摺順之大也茲蒙

皇上天恩訓誨周詳令臣效法並臣得恍然覺悟有

恐未必然所遵循此誠從古以來之君止未有如此開導臣

高采子者唯何幸而得遭逢

聖主且與督鄂爾泰同事

方朝夕相晤臣惟有夙

夜孜孜效法督臣鄂爾泰以竭盡犬馬之微誠耳

至滇省嘉徵疊見實係

皇上誠敬感召所致且

簡任總督臣鄂爾泰節制三省公忠宣力故祥瑞屢昭

雖

朕與鄂爾泰非故為不居乃真實不居至如汝不居而

皇上謙抑不居而勲猷如鄂爾泰平日與臣言及亦惟

推崇

求諸本何必徒掉空文

聖德不敢稍有幾微自居之心臣何人斯敢萌希冀乃

蒙

皇上格外提撕戒臣莫存無恥之念臣跪誦感激惟有

硃批諭旨

高

沈廷正

皇上時時敬畏益加惕厲凡事請教督臣鄂爾泰指示

高厚生成之恩於萬音其理合將原摺禮部查莫氏

硃批恭繳謹

皇奏恭惟不臣而憐惜嗚呼爾泰平日與臣言文亦非

覽

簡升同日又將爾泰請歸三省公忠宣代結補崇顯

皇奏為恭繳臣

硃批仰祈睿鑒

睿鑒事竊臣前恭繳臣

硃批奏摺已扣內奉

硃批從來小人但知畏威畏害畏貧而已此外則恬然

不以為意不如是聖人何以言小人而無忌憚耶正

為其不當畏而畏當畏而反不知畏也又蒙

硃批魯論云君子有三畏可見畏之一念時刻不可去

懷果能如此日久無間

上天神明自有照鑒為人為臣之道畢矣又蒙

硃批似汝庸才仍未解鄂爾泰同任封疆不便直言之

意朕姑以數語譬曉之令汝明悉如鄂爾泰乃係為

國家做官沈廷正係為沈廷正做官此所以三人有

硃批論旨

聖

沈廷正

霄壤之分也根本處見未透枝葉邊縱千萬言亦講
不備汝自言切中汝弊猶屬醉鄉說夢不但未解鄂
爾泰之意卽朕訓汝局淺量狹之意亦未能領會也
天誠欲力改弊病惟務本毋逐末而已又蒙
硃批朕拭目以觀汝之勉勵也欽此臣恭繹
將朕數次訓汝之諭皆令鄂爾泰知之

聖訓小人非全無所畏但不當畏而畏之仍是小人之
爲無忌憚與臣畏之君子迥然霄壤大哉
王言闡前聖之精微發先儒之未及誠足爲萬世之謨
勅訓矣臣雖至愚極鈍自當慎擇其所當畏者時刻
將批提撕以仰副我

皇上懇切垂誡之至意臣不能體撰安茲更荷
聖主之訓亦不能喻督臣鄂爾泰之意自是臣賦質愚
昧理會不到所致今蒙

皇上諄諄開導又復直截提撕指點根源跪誦再三感
激流涕臣惟有竭盡愚誠夙夜敬畏以仰報
高厚於萬一耳所有原奉

硃批理合繕摺恭繳謹

奏

諄諄言之不啻舌敝唇乾若猶不能領會而無憤悱之
心則爲木石之無知洵非人類矣

奏為恭謝
天恩事竊臣因原任陝西延安府任內有鄜州革職知
和批州高怡等各任內私借倉糧一案未經查出經部
高議革職奉 旨 旨從寬降五級留任 旨 旨
旨隨恭設香案望 闕叩頭具本奏 聖謝外伏念
皇上逾格隆恩正在惶愧恐懼寤寐難安茲復荷

恩綸寬宥臣益覺慚感交集此生卽捐糜頂踵亦不足

上酬

高厚之恩惟有夙夜冰兢圖贖前愆恪遵

諭旨愈加勉勵以仰報

皇上生成之恩於萬一耳臣不勝激切惶恐之至謹繕

摺恭謝

天恩伏祈

睿鑒謹

奏

玷職之羞至於再三不特汝懷慚惡朕亦代汝愧之

殊批諭旨

夏

沈廷正

同日又

奏爲保舉事前欽奉

上諭外官所轄之現任佐貳雜職等屬員亦准其保薦
等因仰見我

皇上因材器使慎選庶職臣至滇省以來凡末僚進見
亦必加意體察延訪庶務以觀其才具見烏蒙府
經歷金言人頗明白辦事勤慎可勝州縣之任臣
於上年卽與督臣鄂爾泰會商據鄂爾泰亦云金
言前任晉寧州吏目時奉職勤敏調陞今職在烏
蒙辦事努力洵堪保舉之員惟彼時因金言現委

運制錢前往廣西俟其回滇之日再爲保送今金
言已經回任正在保送間適接部文奉

上諭著將各保一人之例停止欽此臣不敢越例保送
但臣見金言能勝州縣之任亦何敢不據實奏

聞以仰副

皇上愛惜人才之至意倘蒙

恩准引

見臣卽給咨令其赴部伏祈

皇上睿鑒批示遵行謹

奏

硃批諭旨

真

沈廷正

准爾保送卽援此旨咨明該部可也

同日又示數語

奏爲仰蒙

聖恩垂訓感激難名敬抒下悃伏祈

睿鑒事本年三月十九日督臣鄂爾泰將前在桂林接

到爾泰陳明鹽務廠局事件應聽撫臣沈廷正總

理摺內欽奉

硃批沈廷正操守甚不可信卿酌量之回滇時將朕諭

令沈廷正知之欽此跪聆之下惶悚無地感激涕

零當卽叩頭謝

恩竊念臣一介微末素蒙
連年過愆尚可恕若一生過愆則不可姑容矣
聖恩豢養知臣最深且臣連年過愆叢積屢蒙

皇上特賜寬宥

諭旨教誡開導諄切靡所不至若猶不能恪守清操稍

萌不肖之念則實無以自列於人類茲復蒙

皇上令督臣鄂爾泰轉傳

諭旨臣惟有益加勉勵砥礪廉隅以期無負

皇上教育之洪恩於萬一耳所有督臣轉傳

諭旨緣由理合繕摺恭

奏伏乞

硃批諭旨

稟

沈廷正

睿鑒謹

奏

但當痛加洗滌勵心砥行空言無益也

雍正八年五月二十四日雲南巡撫臣沈廷正謹

奏爲恭謝

天恩事竊臣因前任福建布政司任內將存庫銀內通融預給兵餉雖循例借動詳明督撫現今陸續解補還項但造送雍正五年季報冊內失於分析聲明疎忽之咎實所難辭茲經部議革職奉

旨沈廷正從寬免革職著降二級留任臣跪讀之下感

激流涕隨恭設香案望

闕叩頭具本奏事

謝外竊念臣以庸愚下質歷任過愆叢多屢蒙

皇上逾格隆恩予以寬典正在捫心惶恐無地自容茲

復蒙

恩綸寬免許令自新臣益覺慚感交集

恩重身輕惟有朝夕儆惕愈加奮勵以仰報

高厚生成之恩於萬一耳臣不勝激切愧感之至敬繕

摺恭謝

天恩謹

殊批諭旨

厚

沈廷正

天奏

朕實代汝愧之倘仍不知恥誠可謂下愚不移者矣自
此以後若不革面革心改絃易轍現在雖獲僥倖終至
不能保全也勉之慎之毋愈吐奮誠以申辨

恩諭雍正八年十月二十四日山東河南河道總督臣

沈廷正謹

皇奏為恭請恩予以褒典五拜謹啟伏以朕無此自容
陛見仰祈念臣以庸愚不賢氣壯壯感業之艱業

俞允以抒下悃事竊臣於本年十月二十日接准部咨

欽奉 諭旨恭請查案望

上諭雲南巡撫沈廷正著補授山東河南河道總督欽

奏此臣聞

命自天感悚無地當卽恭設香案望

闕叩頭具本奏

謝外伏念臣於雍正四年蒙

恩擢授福建布政使得以仰觀

天顏之後迄今四載有餘依戀愚誠時縈寤寐原擬今

歲之冬恭請

陛見稍抒微悃今又荷

聖恩補授山東河南河道總督則微臣之趨赴

殊批諭旨

臺

沈廷正

關廷瞻仰山東河南河道總督沈廷正奏為奏
雲日更為切近且河道情形及堤工諸務尤關緊要自

必躬親跪頌

聖訓指授方能料理妥協伏祈懇請

皇上俯念河務工程關係重大准臣

陛見現現赴河南恭候四辛業

諭旨不勝感激待

命之至謹刺燕巢當唱恭頌香案望

奏批

應至京見朕然後再赴新任對山東河南河道總督

雍正九年二月初九日山東河南河道總督

廷正謹具

奏為奏

聞事竊臣於本年正月初五日即觀山刺容商買法

天顏荷蒙

皇上訓諭周詳兼念桃汛在邇

命臣速回豫省查勘河工俟督臣田文鏡幾時可以交

印令其具奏臣已於正月二十六日抵豫隨將

諭旨向督臣田文鏡宣述并將面奉

皇上交臣帶給督臣田文鏡奏摺一紙交付祇領訖臣

殊批諭旨

五

沈廷正

皇土卽於五月九日起程查勘黃河北岸工程至三月
備旨初八日順道進省將勘過工程向督臣田文鏡請
教復於初九日由祥符縣南岸程家寨新帶查勘
命副俟勘竣另摺具奏工部會同田文鏡與部司以交
皇奏外臣昨從祥符封邱陽武原武滎澤鄭州中牟等
天隨州縣經過地方見有乏食窮民鳩形鵠面沿路求
問車乞而村鎮中更有賣鬻男女爲山陝客商買去者
率每日遇有數起又聞鄉村有糧百餘石之家卽爲
附近貧民覬覦每於夜間羣相借貸甚至集場街
市竟有將孩童插標出賣並有搶奪食物苟延喘

息之人卽省城亦然臣據目擊情形與督臣詳
細說知督臣遂云從前招回窮民到家之後俱各
給有口糧以資養贍上年歲底又曾捐散過錢七
十餘千而司道以及州縣等官亦有捐散之項現
在開倉平糶還令地方官酌量借給至於鄉村窮
民乘夜借糧之處洧川縣已有報案賣人之事亦
有所聞但未知如此備細何以近日情形一至於
此等語臣又云豫省沿河十四州縣除武陟縣高
阜田地居多上年被水尚少其餘各屬田地原有
高低被水自有重輕未可一槩牽扯而論今旣開

倉糶借必須擇實在被水乏食窮民與陸續招回
戶口平糶之外再行分別借給并將應完課賦暫
緩差催以息追呼之擾現今麥苗在地若能接濟
兩月口糧俟至三麥成熟小民便獲安全督臣採
聽雅言隨卽寫札諭令各屬作速料理至於賣鬻
男女之中保媒人督臣卽欲拘拏究處嚴行飭禁
臣思窮民賣人原因一時不能度活暫爲保全性
命之計彼此情願若一經追究反無生路只須速
爲調劑俾其度日有資自然不禁而止臣謬抒管
見不過就時論事今督臣田文鏡現在籌畫安頓

料理必能使被水之民共沾臣天恩臣奏
皇上浩蕩殊恩也緣事關民瘼理合一併奏

聞謹

奏

覽奏豫省災黎近日情形已悉凡事如此據實不隱朕
甚嘉之

雍正九年二月二十七日山東河南河道總督臣

沈廷正謹

奏爲奏

聞事竊臣前因豫省沿河各屬被水地方見有乏食窮

殊批諭旨

嘉

沈廷正

開津民接濟無資是以將目擊情形備細向督臣田文
表鏡說知茲臣於二月二十日查勘黃河工程事竣
旋省督臣與臣面言從前乏食窮民不但將沿河
被水州縣現在委員確查卽此外尚有鄰近州縣
乏食小民亦俱飭令一併清查除平糶之外無論
有田地無田地擇其果係實在乏食者每戶按大
小口小口概借給兩月之糧亦不論將來能還與否
開辦以濟其青黃不接凡遠鄉僻壤諄諭各屬實力奉
皇上行務使無濫無遺臣見城鄉百姓俱知總督現在
委員清查將來不虞乏食且喜近日天氣晴和麥

苗長發只須於三月中得雨一次二麥可望收成
謹據實奏會同咨請封林所嚴發
聞謹
奏
覽奏朕之憂懷少釋

雍正九年六月初六日山東河南河道總督臣沈
廷正謹

奏爲奏明事竊照東省戴村壩工臣兩次親詣詳勘
應將接連滾水壩之新建石壩高出二尺之處先
行拆去恰與舊壩相平與部議適相符合其接連

亂石壩之新壩高於舊壩止有六寸接連玲瓏壩
之新壩高於舊壩六尺三寸若俱拆去五尺尚應
奏另爲補鋪方與舊壩相平但辦石鑿砌大需時日
目今伏汛經臨恐工未竣而水驟至非特徒糜帑
金且汝水傾注不能抵禦關係匪輕況霜降過後
實奏仍應會勘拆修則此接連亂石玲瓏之新壩似應
奏停其拆砌統於霜降後勘明興工臣赴豫省將此
開辦意商之督臣田文鏡及協理河臣朱藻意見俱各
相符已經會同咨部俟秋汛過後臣再會同朱藻
前往確勘興工另行奏請雨澤大旱麥苗望秋效

聞奉因督臣田文鏡現在奉

旨進京調養起程在即所有東豫兩省工程錢糧臣與

田文鏡商定確核凡應

題應咨事件俱經一一會同辦理至禹王臺竹絡壩
工臣前因領帑分築之沂邳海贛同知吳象賢玩
工侵帑業經兩次會參遴委泃河通判蔣祈年前
往署理接修自任事以來勇往急公所修竹絡壩
上下兩層照估剋期築竣現在攢砌邊絡不日完
工俟竣工之後應聽江南河臣嵇曾筠會疏

題報惟是沂邳海贛同知一缺經管兩省工程最爲

與督臣田文鏡商酌
題請而督臣以蔣祈年係其至戚不便書
題臣思要缺全在得人若以蔣祈年補授沂鄒海贛
同知實屬人地相宜臣謹繕摺奏請
聖訓是否可行伏乞
皇上批示以便另疏

題補統制

睿鑒謹

奏

所請是將蔣祈年具疏題補可也

同日又具奏查東西二關與合轄帶兵丁
奏為奏

聞事竊照濟寧臣標設有中左右城守四營而城守
營獨隸都司統轄則州城內外汛地是其專責必
須整飭營伍加意巡防方為盡職今城守營都司
李懷義怠玩成習諸事廢弛民間遇有失火不惟
不行飛報亦不力為撲救該汛兩次命案至今亦
均未緝報且馭兵無術巡查疎懈似此玩廢劣員
斷難一日姑容除臣現在繕疏

硃批諭旨

夏

沈廷正

題奏外理合恭摺奏

聞抑臣更有請者濟寧地方爲南北水陸通衢其間五
方雜處姦良莫辨最宜嚴謹稽查小心防範是以
城守營專司州城內外地方而城守官弁俱駐
割城內查濟寧關廂戶口殷繁商賈雲集若官弁
俱駐城內夜間設有匪竊失火等事憑何擒拏救
關軍護必得專員督察方可綏靜地方據臣愚見似應
奏於該營內派撥千把總二員巡查南北二關外委
千把總二員分查東西二關俱令酌帶兵丁駐割
適中緊要之地日則盤查姦宄夜則巡防失火匪

竊偶遇有事一面星飛傳報城內一面救護擒拏
如此則州城內外均有專責聲息相通而遠近地
方民皆安堵永戴

聖恩於無旣矣臣爲關係地方起見謹陳末議已於疏
內聲明統祈

皇上睿鑒謹

奏

俟題到時有旨

同日又

奏爲奏

殊批諭旨

司天

沈廷正

聞事竊照東省運河堤岸攸關漕艘往來要津必須修理堅固方足以資挽拽而衛民田經前署河臣田文鏡估計

題修仰蒙

俞允發帑興工臣接奉部文隨撥發帑銀檄令道廳等官遴選幹員上緊募夫分修復親赴各工詳加覆勘務期帑不虛糜工收實效臣兼至汶上縣所轄之何家壩查勘壩工情形該壩坐當汶河西岸關係蓄水濟運衝刷流沙爲南北運行之關鍵因建立年久底樁腐朽欹斜石塊坍塌錯落復經上年

望恩大水其雁翅堤岸又俱潰缺遇汶水泛漲沙流入運劉老石頭二口遂致淤墊淺澁此項壩工急須按照舊制速行修整俾令蓄洩有資臣已飭兗寧道王鴻勳據實確估俟具詳到日卽當

題請修築臣伏念黃河工程較運河更爲緊要且伏汛經臨秋汛踵至尤須親督修防隨於五月二十日由東省曹縣黃河芝麻莊一帶查勘各工俱各平穩惟豫省儀封縣北岸趙家寨工程坐當全黃頂衝現今大溜掃灣直射堤根甚爲險要臣相度情形亟宜未雨綢繆當卽飛撥料物飭令道廳等

官督率兵夫星夜邁埽加鑲土緊防護一面將需用工料銀兩估報臣再爲酌核興修臣於五月十五日抵豫省祥符縣程家寨王所看得該工逼近省城最爲喫緊上年黃河大溜直趨南岸危險異常前署河漕田文鏡督率搶救至穩近因河溜驟仍復南趨灘崖日被汕刷是以前署河漕田文鏡會疏王肅燠勸實事計其具請臣日哨當

題請於北岸開挖引河導溜北徙以保南岸堤工荷蒙聖恩俯允業將引河如式挑挖深通正在守候開放間

詎今歲四五兩月以來北風連作全河水勢傾注南岸頂衝大溜上提下坐不時蟄陷洶屬險工臣一面嚴飭管河道劉永錫隨同協理河臣朱藻在工無分晝夜下埽加鑲竭力搶護一面飛檄僱辦各料并撥運料物以濟急需方保無虞臣復親率各員加緊修做仍早夜駐宿引河工所一俟水勢漲發風色順利卽相機開放第南岸程家寨險工十分緊急亟應修做大工據管河道劉永錫估計臣已另疏會

題外所有臣勘過各處工程情形并搶護修築緣由

朕敬繕摺奏

聞伏祈

皇上睿鑒謹

奏

目下亢旱恐氣候轉雨水驟多則在在堪虞亟宜恪

秉誠敬以祈

神祐竭力防護以盡人事也

雍正九年七月初七日山東河南河道總督臣沈

廷正謹

奏為奏

聞事竊照豫省黃河兩岸考城縣顏家支河歷年每遇

汎水長發漫灘進水以致田畝屢被淹浸臣臨工

相度特委濬縣縣丞何祖壽並效力人員協同該

管廳汎分別搶修建埽壩以塞支河築月堤以資

重障其顏家莊迤上陳家莊等處堤工通身幫築

寬厚復又擇緊加鑲保護周密本年四月十四五

六等日河水長至五尺支河並不進水口門漸次

受淤不但大堤得免浸汕而向日淹漫之區盡成

膏腴之產二麥豐登倍加收穫現在秋禾又復茂

盛查顏家莊迤東約長八十餘里約地三千餘頃

殊批諭旨

聖

沈廷正

每畝收麥多至一石五六斗一石七八斗不等約計收麥數十萬石沿河數十村民人僉稱從此可以辦課養家莫不感戴皇恩而考城一邑亦皆比戶盈寧臣目擊豐登景象實切欣慶敬繕摺奏聞謹重前其

奏

覽奏不禁以手加額為豫民稱慶也同日又奏為恭報程家寨北岸引河開放南岸工程平穩仰

奏慰

聖懷事竊照豫省祥符縣南岸程家寨工程為全黃掃

奏灣之區上年河溜南趨灘崖汕刷是以前署河臣

聖恩田文鏡會疏

題請於北岸開挖引河以保南岸堤工臣早晚相機

住守以待風色水汛督率道廳搶鑲南岸下墊埽

工正在晝夜分任料理間於六月初八日水漸增

長風亦順利臣相其大溜逼近河頭於初九日已

時連底水共長至二尺二寸臣相度機宜當即虔

祀

殊批諭旨

臺

沈廷正

河神趁其溜頭之急藉其風勢之猛率同道廳帶領
兵夫併力開挖但見水頭湧注全黃直趨開闢暢
達頃刻成河復又乘舟由引河來往探量水勢深
通暢流而對岸南通之溜漸次減緩程家寨埽工
俱經蟄實平穩現今南岸漸長淤灘該工可保永
固兩岸老幼鄉民莫不歡呼踴躍感戴早興
聖恩所有程家寨開放引河緣由理合恭摺

奏報伏祈
睿鑒謹
奏

覽奏引河開通暢流朕懷深為愉悅

同日又

奏為奏明事本年七月初七日據臣標署中軍副將
楊鐸報稱六月三十日濟寧南鄉新店等地方有
蝻子生發離新店南十數里窪地荒草內及牛頭
河地方亦有蝻子數片相隔一里半里不等今營
員及知州等現在率領兵夫撲打等因又據濟寧
州知州張綸呈報前來臣當即飛檄上緊撲滅仍
令不時在於各境巡查撲打并檄委效力員弁前
往協同撲捕務期淨絕根株毋致漫延兼咨山東

撫臣岳濬轉飭撲捕在案臣思蝻子初出翼翅未
生必須趁時撲淨庶免蔓延第直隸河南山東並
江南各屬地方多有臨水低窪之區或有積水乾
涸魚子未化日曬生蝻亦未可定伏懇 天恩
皇上敕下督撫諸臣轉飭各屬加意查察預為防範以
仰副我 聖鑒

皇上軫念民生之至意臣因蝻子關係禾稼不揣冒昧

繕摺奏

聞伏祈

睿鑒謹

奏聞 魚子化生蝗蝻向會聞之汝即言之各督撫轉飭該屬
預防可也

雍正九年九月初八日山東河南河道總督臣沈

廷正謹

奏為恭報黃河秋汛安瀾工程平穩情形仰慰

聖懷事竊照本年秋汛水勢疊增而黃河險工多在下

游臣往豫省之歸河及東省之黃河各汛細加巡

查適值東省戴家樓黃奶奶廟等處豫省河夫營

蒙牆寺等處積水倒漾浩瀚汪洋臣往來相度督

率道廳等官或搶築子堰或加鑲防風晝夜監催
俱經一律完竣其上游各汛險工亟復嚴飭該管
廳汛貯備料物加謹修防亦俱保固平穩臣仍前
望對往逐加查驗務使帑不虛糜工收實效查自本秋
以來霖雨時沛黃河日漸增長據寧夏府知府鈕
廷彩連次飛報八月初六日寧夏水長一尺六寸
初八日水長二尺臣隨飛檄該管各官亟緊巡邏
臣預為防範仰賴

聖主至誠感格
神明顯應昭然儀考兩縣地方連開天然引河俾最

險要工得以保固東豫二省河道俱獲安流且自
寧夏報水之後豫省水勢不過微增並無大漲今
霜降在邇汎水日消各工在在鞏固河流永慶安
瀾至山東運河水勢現在深通暢流回空糧艘遄
行無阻統俟霜降後照例恭疏

題報外理合具摺恭

奏仰慰

聖懷謹

奏

東豫兩省河道俱慶安瀾朕以手加額覽焉

硃批諭旨

臺

沈廷正

東野南清... 望對... 奏... 賑... 官無... 賑至... 霽... 聖... 神...



